



Wantok



Namba 1874 Wan Wik Julai 15 - 21, 2010

Niuspepa Bilong Yumi Ol PNG Stret! **K1 tasol**

Sabina's Conner - P6 The Horse Trading begins all over again

Traim gavman long floa bilong Palamen

Paul Zuvani i raitim

SAPOS nupela gavman i mas kamap dispela bai kamap long floa bilong Palamen.

Em i hat long save sapos gavman inap senis inap long taim ol memba i go insait long Samba bilong Palamen.

Dispela i taim bilong traime strong bilong gavman.

Deputi Oposisen Lida na Memba bilong Lae Bart Philemon, i tok long taim em i no amamas long mak bilong wok bilong developmen em Somare gavman i mekim long las 8-pela yia taim em i stap long opis.

Em i tok stat long 2004 i kam, Somare gavman i bin kamapim olsem K6 bilion mani long Developmen Baset tasol nogat wanpela mak i stap bilong soim dispela mani.

Ating bai gat senis long Distrik Sevises Impruvmen Progam (DSIP) mani tasol long Developmen Baset em i no bilip.

Em i tok ol rot, haus sik, saplai bilong marasin, skul na ol samting bilong skul na wok bisnis i bagarap yet.

Planti manmeri long kantri i kisim taim nogut, sapos ol memba i laik lukim gutpela senis "nau em i taim ol i mekim disisen."

"Disisen bilong Suprim Kot i givim bek rait na fridom bilong ol na ol i ken bihainim laik bilong ol long dispela taim."

Em i tok Oposisen i redi long kamapim Vot i Nogat Bilip taim



I STAP NAU: Paim Minista Se Michael.

Palamen i bung long narapela Tunde 20 Julai.

Em i tok long save bilong em we em i bin stap long senis i kamap long tupela gavman bipo (1994/99) dispela i kamap long floa bilong Palamen.

Na em i bilip sapos kantri i laik save long senis bilong gavman ol bai save long floa bilong Palamen.

"Mipela yet i no inap. Mipela i tok-tok long ol memba long gavman na longtaim yet mipela i toktok i stap."

"Taim ol i muv mipela bai save bai gat senis," Mista Philemon i tok.

Askim long husat ol bai makim long kamap Paim Minista em i tok dispela i stap long namba man i gat long em.

"Dispela i bikpela askim na mipela i no inap long bekim isi."

Em i tok nau yet Oposisen i gat



TRAIME PASTAIME: Se Mekere, Oposisen Lida.

21 Memba olsem ol i bin gat long em.

Tasol askim sapos Se Michael Somare i redi long Vot i Nogat Bilip wanpela opisa insait long gavman i tok Se Michael i no suruk.

Em i tok Somare i kam long haus boi na i no guria long tok bilong Vot i Nogat Bilip.

"Planti ol toktok i kamap pinis na nogat wanpela senis i kamap."

"Man husat i laik kamapim Vot i Nogat Bilip long gavman i mas soim em man ol manmeri i laikim. Em i mas gat sapot tu."

"Sapos nogat i nogut long traime nating na kisim sem," dispela opisa i tok.

Em i tok em i laik bilong ol manmeri long Se Michael i kamap Paim Minista na dispela i kamap ples klia taim planti ol memba bilong Nese-

nal Alains i winim ileksen bilong ol long 2002 na 2007.

Bihain long win bilong Gavana bilong Madang Se Arnold Amet long Nesenal Kot Nesenal Alains Pati nau i gat 27 Memba.

Ol arapela pati i gat olsem:

- Indipenden (20);
- PNG Pati (8);
- Yunaited Risoses Pati(8);
- Melanesian Liberal Pati(2);
- PAP (6);
- PANGU (5);
- PDM (5);
- PPP (4);
- Niu Jeneresen Pati (4);
- Rurel Developmen Pati(4);
- PNC (4);
- Pipel's Pati (3);
- PNG Kantri Pati (2);
- Pipel's Leba Pati (2);
- Yunaited Pati (2);
- Melanesian Alaiens (1);
- Nesenel Edvens Pati (1);
- PNG Konsevetiv (1);

Kisim Motorola WX181!



Baim Niupela Moto WX181. I kam wantaim FM redio na planti moa!

Olgeta fon igat fri kredit na frim sim kad stap insait pinis..

Digicel

Bapela, Gropela moa Naisik bilong PNG.

Digicel Tems na Kondisen i stap.



Planti mit na gutpela teis tru!

Mackerel

IN NATURAL OIL

Em pis ol bubu i save laikim bipo tru. I kam bek nau! "Yu mas traime na bilip"



I kam wantaim Tomato na Oil

IPBC givim K36.5 milion win mani long Gavman

INDEPENDEN Pablik Bisnis Koporesen (IPBC) i givim Nesenal Gavman K36.5 milion win mani em i mekim long 2009.

Long taim bilong kisim dispela mani Minista bilong Pablik Entapraises Arthur Somare i tok dispela mani mak bungim wantaim long ol mani koporesen i givim stat long 2003 i sanap olsem K201.5 milion.

Mista Somare i tok tenkyu long IPBC long gutpela wok bilong em na i tok dispela bai i no inap kamap sapos kampani, menesmen na ol wokman i no wokhat.

Em i tok kamap bilong kain mani olsem bai helpim gavman long skruim ol wok em i givim mani long Bisnis Developmen Gren we i pas long PNG Likwifait Netural Ges (LNG) Projek.

Em i tok long 2008 IPBC i baim olsem K25 milion win mani.

Somare i tok koporesen i wok gut na olsem dispela i soim mak bilong win mani em i mekim long las 7-pela yia.

Em i tok kain senis i narapela long mak i kamap bipo long 2002 we gavman long dispela taim i kamapim Praivetasesin Komisen long salim ol kampani bilong gavman.

Em i tok dispela i bagarapim tru gavman long ol mani plen bilong em.

“Dispela i no moa olsem we ol kampani i bin painim hat long baim gavman takis.

“Stat long 2003 win mani we IPBC i baim i go long nesenal gavman i sanap olsem K201.5 milion o long namel mak mipela i ken tok K28.8 milion long wanwan yia.

“Dispela i mak bilong gutpela menesmen i stap long pablik sekta koporesen,” Somare i tok.

Go bek long ples: Kaunsila

Bustin Anzu i raitim

WANPELA Wod Kaunsila long Westen Hailans Provins i laikim ol manmeri husait i no gat wok na raun nating i stap long ol biktaun i mas go bek na holim graun na redim ol yet long taim bilong LNG i stat wok stret.

Wod 19 kaunsila bilong Mt Giluwe Lokol Level Gavman insait long Tambul John Noagu Boi i tok ol pipel bilong Tambul na Nebilyer husait i stap long wanem hap biktaun na sit long Papua Niugini i mas go bek long ples na planim kaikai na salim long kisim mani.

“Yu husait manmeri i raun nating na stap wantaim wantok bilong yu long ol taun na siti, yu mas go bek na luk-save long graun bilong yu na holim. I gat bikipela wok bilong LNG bai kamap long Sauten Hailans na mipela ol pipel bilong Tambul na Nebilyer i gat bikipela sans long stap insait na saplaim gaten kaikai,” Boi i tok.

Em i tok ol i nogat narapela ol samting bilong saplaim long LNG olsem kar, masin, diwai, simen na ol narapela samting bilong wok tasol ol i ken saplaim LNG wantaim kaikai bilong gaten, we Bikipela i blesim ol na ol i gat planti istap.

Boi i tok dispela LNG wok em i no wanpela isi wok na planti manmeri bai wok na kaikai bai sot olsem na ol pipel bilong em mas redim ol yet na saplaim kaikai we bai stap oltaim na i no sot long kaikai.

“Kaikai em wanpela samting we ol i ken saplaim long LNG na ol mas bungim tingting long planim kaikai na salim bilong kisim mani bilong lukautim ol yet. Ol i no ken les na stap nating nabaut long taun,” olupela Komyuniti Helt Woka (CHW) i tok.

Boi i tok ples bilong ol em i gutpela we graun em i blek na kol na ol kumu kaikai i ken gro gut tru.

Em i tok ol narapela kumu kaikai bai olsem tomato, onion na kaukau i no tumas tasol brokoli, koliflaw, letus na potato bai ol i gat gutpela maket long en.

“Maski sik bilong potato i bin bagarapim potato tasol mipela i wok long planim wantaim ol marasin na i no les,” em i tok.

Wok bilong LNG bai stat bihain long 3 o 4 yia na bai wanpela bikipela wok stret long sait bilong maining na planti manmeri bai wok na planti mani tu bai kam insait long Papua Niugini.

Dispela bai senisim ol prais bilong kaikai long ol stoa, gaten kaikai na rent bilong kar na haus tu bai surik i go antap.

Hauslain long EHP bungim moa gan i stap

James Kila i raitim

BIKPELA namba tru long strongpela gan nau i stap insait long ol rurel viles na haus-lain long Isten Hailans provins na dispela em bikipela pret tru long sekuriti long kantri.

EH Provinsal Polis Komanda (PPC), Sif Inspekta, Augustine Wampe i tokaut long dispela long las wiken long Wantok Niuspepa long Goroka.

Em i tok ol pipel i wok long bungim bungim gan yet i stap bihain long ol i salim ol mariwana spak-brus.

“Ripot ol polisman bilong mi kisim i soim olsem moa gan i wok long kam insait long provins na ol haus-lain i wok long bungim bungim yet ol strongpela gan,” Sif Inspector Wampe i tok.

Sif Inspekta Wampe i tokaut olsem

moa gan i wok long kam insait long provins na i stap long ol ples na haus-lain we birua bilong traibol pait o hevi namel long wan-pisin i go het het.

Em i tokaut olsem nau yet polis nogat inap pawa long muv i go insait long dispela ol ples we ol haus-lain i wok long bungim na haitim ol fektori gan i stap bihain long ol i salim mariwana spak brus.

Mista Wampe i tokaut tu olsem nau yet long dispela taim hevi bilong ol lain i hait na salim mariwana na bungim bungim ol gan i stap long wan wan haus-lain bilong ol long rurel distrik em bikipela hevi tru.

Em i tok olsem dispela hevi bai kamap bikipela tru bihain long likwifait netsurel ges (LNG) projek i go het long givim aut mani na mani i ron insait long ikonomi bilong kantri.

Em i tokaut olsem long Isten

Hailans, dispela hevi long ol lain i hait na bungim bungim ol gan long haus-lain na viles bilong ol em wanpela bikipela sekuriti pret tru.

Mista Wampe i tok olsem i gat bilip olsem ol lain long ol ples na haus-lain we traibol pait o pait namel long ol wan-pisin i gohet yet.

Em i tokaut olsem ol haus-lain we traibol pait i kamap long distrik long Isten Hailans olsem Bena, Kainantu, Henganofi, Obura-Wonenara, Okapa na sampela hap bilong Daulo i bungim bungim ol strongpela gan bilong pait i stap.

Em i tok em i amamas olsem Lufa distrik tasol long provins em nogat hevi save kamap long eria bilong ol.

Mista Wampe i tokaut long dispela bihain long em i bung wantaim Wantok Niuspepa long raun bilong en long Isten Hailans las wiken.



KUKIM GUT: Gavana bilong NCD Powes Pakop i kukim sampela pis long nupela ples paia bilong kukim mit, pis o sosis long Meduna Atama nambis piknik ples. Dispela nupela piknik ples i gat 8-pela ples bilong kukim ol mit, sosis na pis we NCD i givim manimak K10,000 long stretim gut bilong ol lain manmeri bilong Mosbi long yusim long wiken. *Poto: Nicky Bernard*

Salim spakbrus na kisim mani bilong buai

Bustin Anzu i raitim

TUPELA man bilong Jiwaka provins nau i stap long Boram Haus Kalabus long Is Sepik Provins, long salim spak brus o mariwana na salim long kisim mani long baim buai.

Polis ripot long Wewak i tok ol pablik long Wewak i lukim dispela hevi i bikipela na ripotim long polis we ol i bin holim pasim ol na sasim tupela long kamapim marijuana bisnis.

Taim polis i sekim beg bilong tupela, polis i painim 6.54 kilogrem marijuana i stap long skin bilong tupela.

Ekting Provinsal Polis Komanda Inspekta Charles Parinjo i tupela trabel man James Kaipel na Matthew

Mark, tupela wantaim 36 yia na bilong ples Kudjib long Jiwaka provins, i kisim taim nau long haus kalabus.

Tupela i kamap long ai bilong majistret Jeremiah Singomat na em i makim tu yia bilong tupela.

Tasol tupela kalabus man i askim kot long marimari long tupela long wanem, em namba wan taim bilong tupela.

Tasol polis prosekuta i tok mariwana em wanpela bikipela hevi insait long kantri we i wok long bagarapim planti ol yangpela na kot mas noken harim stori bilong tupela.

Kot i bihainim tingting bilong polis na makim tupela tu yia.

Parinjo i tok polis bai raun long painim kain trabelman wantaim spak brus na sasim ol.

Bos bilong Momase polis na Asisten Polis Komanda Giossi Labi i tok tenkyu long Wewak polis long painim dispela tupela man Hailans husait i go aninit long nem bilong baim buai na salim spak brus.

“Planim, lukautim, salim na smokim mariwana em wanpela bikipela hevi insait long kantri we i wok long bagarapim ol yangpela bilong tude.

“Polis i wok long daunim dispela hevi bilong marijuana tasol i wok long kamap yet na dispela i mekim wok bilong ol i hat,” em i tok.

Labi i tok polis i laikim komyuniti sapot long daunim dispela hevi long wanem, spak brus i bagarapim planti ol gutpela save manmeri na ol i raun nating na nabaut long strit.

Bus paia bagarapim ples - Mondiai

James Kila i raitim

OL MANMERI long ples na komyuniti insait long Papua Niugini i mas lukaut gut na noken mekim paia na kukim ol bus insait long dispela taim nau we planti ples insait long kantri i wok long stap insait long taim bilong longpela taim bilong san na ples drai.

Bus-paia i wok long bagarapim tru planti ol kunai gras we ol pisin na ol enimol na tu ol bus insait long planti ples insait long Hailans rijon.

Siaman bilong PNG Eko Forestri Forum (EFF) na Eksekutiv Dairekta bilong Partners With Melane-sians, Kenn Mondiai i bin mekim dispela strongpela toktok long las wik bihain long em i lukim stret long ai bi-long em bikipela eria tru long hap bilong lsten Hailans provins em paia i kukim ol kunai gras.



BUS PAIA:

Boi Kenangi long Daulo distrik, John Kenori poin i go bus paia i kirap long sait long maunten.

Poto: James Kila

Wantok Niuspepa i lukim tu ol dispela bikipela hevi i kamap long bus paia bihain long em i flai long balus na lukluk i go daun long ol ples long hap bilong Henganofi na Unggai-Bena eria we bikipela eria tru bi-long kunai gras i paia na mekim ples i luk nogut tru.

Mista Mondiai i tokaut olsem ol man-meri i mas was gut

taim ol i wokim gaden long kukim pipia, na tu ol man ino ken pilai na kukim bus nating nating.

Planti ol bus, diwai, gras na ol enimal i stap insait long en i kisim longpela taim tru long gro bikipela. Tasol em save kisim sotpela taim tasol long paia i kukim na bagarapim ol.

Mista Mondiai i tok ol gras na bus em haus o

bilong ol binatang na ol narapela enimal Papa God i wokim.

"Bai yu pilim olsem wanem tru, sapos wanpela man i kukim haus bilong yu?"

"Wankain tu ol enimal na binatang i laikim tru haus bilong na taim ol manmeri i kukim haus bilong ol, ol save painim ples na ronawe," Mista Mondiai i tok.

Gavana Wararu tokim ol Sepik long sanap strong

Cyril Gare i raitim

OL PIPEL bilong Is Sepik mas sanap strong long taim nau we bikipela toktok i kamap insait long wok politiks long senisim Somare-Temu gavman.

Gavana bilong Is Sepik na MP bilong Yangoru-Saussia, Peter Wararu Waranaka i bin mekim dispela toktok long taim ol i singautim nem bilong 24-pela LLG presiden long Is Sepik provin-sal asembli long Wewak long Tunde long dispela wik.

"Yumi stap nau long planti mausrot nau bihain long Suprim Kot i tokaut olsem Ogenik Lo long Intagriti ov Politi-kol Pati na Kenidets (OLIPPC) ino bi-hainim stret lo,

"Olsem na mi askim olgeta pipel bi-long Is Sepik long sanap wantaim na noken tingting long senisim gavman nau yumi gat," Gavana Wararu i tok.

Gavman nau i stap em Nesinol Alaiens Pati i go pas long en na Praim Minista Se Michael Somare, husat em rijinol MP bilong Is Sepik i stap long-taim tru long en. Se Michael em wan-pela MP long palamen longpela taim tru na em i winim 42 yia na em histori long Komonwelt nesins insait long wol.

MP bilong Wosera Gari, Ronald Asik i askim tu ol pipel bilong Is Sepik long sanap strong na bung wantaim na noken bihainim Oposisen long kamapim vot ino gat bilip long gavman bilong Somare-Temu.

Long toktok bilong em igo long ol nu-pela LLG presiden, Mista Asik i askim ol long kamap olsem papa na mekim gut wok long ol Gavman polisi na pro-grams na mas wok gut long sevim ol pipel bilong ol.

"Taim yupela i holim Buk Baibel na



Gavana Wararu: Sepik mas sanap strong.

mekim promis bilong yupela, yupela i soim olsem yupela bai wok stret na bi-hainim gut rot long sevim pipel bilong yupela long taim-nogut na long gut-pela-taim na yupela mas mekim gut wok long holim gut-nem bilong ofis bi-long yupela," Mista Asik i tok.

Em i tokim ol dispela LLG presiden long save gut long wok bilong ol na wanem duti ol i gat na tu wanem duti ol pablik sevans bai mekim na ol dispela wok i noken bam.

Presiden bilong Maprik Wora, Samuel lan i tok olsem em i amamas tru long ol i kolim-aut nem bilong em long Tunde olsem LLG presiden bikos dispela i givim strong long em na tu fridom nau long karimaut wok bilong em.

Mista lan tok tenkyu igo long Om-budsmen Komisn long painim gut long sait bilong lo wantaim Kot na em i tok olsem dispela em wanpela "de we bai go daun long histori long Demokres" long Papua Niugini.

YU lukim piksa nogut na yu ting wanem?

Yu wokim piksa nogut na yu mekim wanem?

Plantu man i save tok olsem: "Mi lukim piksa nogut, mi no save mekim wanpela rong. Em samting bilong amamasim mi yet tasol."

Bipo yumi go het, mi gat sampela askim. Sapos i nogat rong long ponograpi, olsem wanem? Polis i save kotim man na man i mas baim kot (fain). Olsem wanem, Sios i save tok egensim dispela samting? Olsem wanem man o meri i save wokim dispela samting i save sem sapos narapela i painimaut? Yumi klia, em rong long wokim o lukim ol piksa nogut. Tingting bek long stori bilong las wik na ritim dispela stori nau. Tupela stori i tru tru na i kamap long dispela yia long Pot Mosbi.

Stori:

Wanpela yangpela meri i gat boipren. Em i laik grisim em na em i wokim poto long mobail telepon long bodi bilong em; piksa nogut! Long wankain taim, em i gat wanpela poto em i laik salim long famili lain bilong em. Em i salim tupela poto i go tasol em i mekim asua. Em i salim poto nogut i go long famili lain na foto bi-long famili lain i go long boipren. Sori! Bikipela asua na sem nau! Sapos polis i lukim bai i gat kot tu!

I gat sampela ol liklik lain i laikim tumas pornography o piksa nogut. Bikipela namba i no laikim na i sem olgeta long dispela kain samting. Long lain i laikim, 80% samting em ol man na 20% em ol meri. Tasol ol i laikim na i mas kisim moa. Pornog-raphy i save pulim man. Em kain "addiction" olsem bia o polai laki o seks i pulim na kontrolim man.

Long man em samting bilong lukim na driman na bihain olsem wanem? Piksa nogut em save givim man tingting nogut. Ponograpii gat tripela

YUMI na HIV
WANTAIM
Fr Jude Ronayne
Forde OFM



wokabout long en: pastaim lukim samting nogut (piksa, muvi, meri i rausim klos long klab) – neks, em dri-man long em yet i ken mekim na las, em mekim samting nogut nau! Long pornography i ken kamap wantaim bikman na bikmeri o pikinini lain tu (child ponograpi).

PNG i gat ol muvi nogut nau (pornography). PNG i pulap long ol nait klab i gat meri na man i rausim klos (strip-tease). PNG i pulap long ol seks-woka o ol pamuk lain; man na meri na pikinini. Man o meri i stap insait long dispela wok i mekim bikipela rong tru long komyuniti. Tasol long bel bilong ol, ol i save sem na pilim nogut.

Man i go painim ponograpi em i painim olsem stilman i save raun long nait. Em i no laik wanpela i painimaut. Tasol planti i raun long Intanet na i ting i nogat man i save. Sori! Yu go lukim ol piksa nogut long Intanet – namba tri taim yu wokim, nem bilong yu bai go long wanpela buk (rejista) bai ol polis long wol i save yu dispela kain man!

Yu man yu go insait long ponograpi yu olsem man i no groap. Yu raun driman olsem yangpela boi. Yu tingting nogut na traim i kamap bi-long mekim pasin nogut. Sapos meri bilong yu i painimaut bai em i tingting nogut long yu olgeta. Bai em i lukim olsem yu brukim marit na yu raun wantaim narapela meri. Em bai pilim em i no inap long yu nau bikos yu go painim narapela meri long piksa nogut.

Ponograpi em samting nogut tru i no save respektim man!

Need to Lift, Pull, Lash or Secure? Then we have the right products you need!

SHACKLES - ALL GRADES & TYPES AVAILABLE

WIRE ROPE THIMBLES

LOADING & TRANSPORT FITTINGS

VERTICAL OR HORIZONTAL STEEL PLATE LIFTING CLAMPS

LOAD RESTRAINT EQUIPMENT

CHAINS - ALL GRADES & TYPES AVAILABLE

OPEN & CLOSED METALLING SOCKETS

LEVEL HOISTS

HAND OR POWER OPERATED HEAVE BLOCKS

STAINLESS STEEL FITTINGS

WEEDING OR ROUND SLINGS

BISHOP BROTHERS
everything for industry...

www.bishopbrothers.com.au

Ol i pulim taitim ol namba gen

TRU olsem politiks na pasin pamuk em tupela namba wan wok long wol?

Larim, mipela no inap go insait long dispela askim long wanem dispela tupela samting i no gutpela long paitim tok long ol long pablik. Laka?

Nau Suprim Kot i tok olsem i brukim lo long pasim lekhan bilong memba bilong palamen i go long politikal pati bilong en, bihain long em i vot pinis bilong praim minista, nau mipela i kam bek gen long ples we ol politisen i ken kirapim bek pilai bilong ol long pulim taitim ol memba i go kam long traim rausim gavman na sanapim nupela.

Wanpela askim we Suprim Kot i no bin tok klia gut long en, em: "hamas taim tru insait long 5-pela yia bilong em olsem palamen memba bai em i ken mekim dispela?"

Em i bihainim stret konstitusenai rait na fridom long senisim pati long laik bilong wan wan, na sapos em i stret, hamas traim bai wan wan memba i ken mekim dispela? Na taim memba i mekim dispela pinis, em bai mas bihainim dispela pati em i kalap i go long en inap long taim em i lusim wok memba o nogat? Sapos nogat, watpo na em i noken mekim olsem?

Wanpela hap tok i stap olsem "sanctity of contract", we em i olsem wanpela tok promis namel long tupela lain. Em i wankain tasol long wokbung namel long memba na politikal pati bilong em, taim em i stap memba, laka?

Mipela i gat moa bilip long tingting bilong Peter Donigi, olsem Suprim Kot i mas sanapim gut wanpela ligel faundesen o strongim jasmen bilong em na tok olsem rait bilong palamen long oraitim ol lo i no wanpela bikpela lo we i nogat



salens i ken kamap long en. Tasol em i wanpela rait we i gat rot long lo bilong glasim. Tasol, Mista Donigi i tok olsem ating Suprim Kot i laik lukluk sekim wan wan kes yet, na i no laik givim wanpela bikpela tok stia olsem. Mipela yet, mipela i ting olsem i mas i gat wanpela bikpela tingting o lo i stap bai i stap ples klia long wanem sait tru lo i bihainim.

Long dispela taim we gavman i wok long pilai tumas wantaim laip bilong pipel, olsem ol senis em i mekim long Envairenmen Ekt 2000, na ol bipo senis long Lidasip Koud, ol kot i mas kamaut klia na mekim strongpela toktok makim pipel, na givim sampela lo stia long ol politisen long stretpela we aninit long lo long mekim wok gavman na wok bilong palamen.

Konstitusen o Mama Lo bilong yumi i askim ol jas "judicial ingenuity" o wok bilong stretpela tingting na luksave na traim strongim lo luksave bilong Papua Niugini. Tasol i kam inap nau, i nogat piksa olsem ol kot bilong yumi long Papua Niugini i wok traim strongim dispela askim na givim bekim.

Mipela i nidim wanpela toktok i kam long ol Kot long luksave bilong lo long Papua Niugini i stap insait long nesenel konstitusen taim yumi ridim ol sabstentiv provisin bilong konstitusen wantaim ol Nesenel Gol na Dairektiv Prinsipel. Ol kot i

mas kamaut strong na tok klia olsem ol politisen i no inap long rausim strong bilong ol astingting o lo bilong Konstitusen o mama lo o traim long rausim ol konstitusenai institusen we i mas stap long holim strong bilip na nem bilong mama lo.

Nau Suprim Kot i seksekim kantri liklik, na nau olgeta politisen i wok resis long kisim namba wan wok long kantri, na tu, kisim ki long benk bilong kantri, em nesenel treseri.

Sapos yu skelim politiks long PNG i kam daun long astingting bilong em stret, bai yu painim ol dispela tok: 'pawa' na 'mani' bilong ol bikpela mangi, na 'luksave' bilong ol wanlain bilong ol.

Yu bai ting olsem ol lain i go insait long politiks i mekim long givim sevis long pipel, tasol long dispela kantri, em i nogat. Yumi traim askim sampela ol memba bilong yumi long wan wan ilektoret insait long Nesenel Kapitel, long wanem hap tru ol i yusim dispela K10 milian ol i kisim olgeta yia? Yupela bungim olgeta dispela mani we?

Nau ol memba bilong palamen i wok long soim ol tru tru kala bilong ol gen, bai gat planti mani, pamuk meri na bia i kapsait long laik long wan wan hotel i stap long Pot Mosbi. Tru tumas, planti long dispela mani bai kam long nesenel tresari we gavman bai traim holim strong ol memba bilong em bikos oposisen i rauni stap na traim stilim wan wan ol memba long bungim ol namba bilong ol bai ol i ken salensim Sir Michael na ol liklik mangi bilong em.

Bipo yet, mipela i luk olsem ol memba bai sanap wantaim gavman long pablik, tasol taim ol i stap ol yet, ol bai salim ol lain bilong ol i go aut long sekim husat i wok bung wantaim husat, na wanem namba mak bilong ol memba i laik senisim

gavman.

Em nau ol gavman memba i save long ol nupela namba bung, na sapos namba i go pulap long oposisen sait, long las minit, gavman memba bai senisim sait na go wantaim oposisen.

Dispela kain senis na baim hos na givim nating mani em Ogenik Lo long Intekriti bilong Politikal Patis i bin pasim na daunim olgeta.

Nau ol provisin long Ogenik Lo em kot i tok i nogat as long en, ol bois i raun raun stap na pilai gen. Long ol yet, ol i ting olsem dispela pasin em i gutpela tasol.

Husat manmeri i ting olsem ol politisen i noken mekim dispela kain pasin, bai krangi tru long holim strong dispela tingting.

Politisen em i politisen, na dispela i min olsem husat manmeri i gat bilip long wanpela politisen, em i longlong manmeri moa long dispela politisen em i gat bilip long en. Yu bai no inap luksave long politisen husat i stap gut olsem ol arapela manmeri. Sapos em i mekim dispela, em bai lusim sia bilong em long ileksen.

Politisen em i wanpela pablik parasait o tewel husat i no save hatwok. Politisen i no save wok long kisim pe, long wanem em i sindaun long hatwok bilong ol manmeri bilong kantri, na winmani em i save kisim long takis ol pipel yet i save baim.

Na moa yet, politisen em i wanpela man husat i ken tromoi mani na i no save wari long wanem hap narapela hap kina bai kam long en. Ol dispela lain i save pinisim mani bilong pablik olsem ol laus bilong dok i save pinisim blut bilong em. Ol em ol rabis lain tru.

Em nau yumi bai lukim gen. Sapos Somare i raus long wanpela vot i nogat bilip, bai yumi mas

makim wanpela arapela risaikol Praim Minista.

Tru tumas, yumi nogat wanpela politisen we yumi ken tok em i 'nupela blut'.

Planti long ol em ol i lapun na skin i slek na ol i nogat moa strong, na nau, ol i stap long palamen olsem ol i stap long wanpela haus bilong ol lapun tasol, o haus sik bilong ol siklain i nogat moa strong.

Yumi mas gat lo bilong pasim ol lain i go bek long palamen, bihain long ol i stap memba tupela taim pinis, bai yumi ken lukim sampela nupela lain i go insait long palamen wantaim sampela nupela tingting na kirapim divleopmen long gras-ruts level.

Nau yet, planti long ol memba bilong palamen i save stap sindaun long Pot Mosbi o Australia, na ol i nogat save tru long wanem samting i kamap long ol ples long olgeta hap kona bilong Papua Niugini.

Em i taim nau long yumi mas lukluk long ol samting ol manmeri i mas gat sapos ol i laik sanap olsem kendidet bilong wan wan ilektoret. Ol lain memba husat i no save stap sindaun long distrik bilong ol stret, i noken gat sans long sanap long makim dispela distrik o konstituensi.

Dispela bai pulim olgeta memba bilong yumi i go bek long distrik bilong ol. Nau yet, bai yumi no inap lukim pes bilong ol, inap i kamap long taim bilong ileksen gen, we ol bai brum i go bek long ol distrik na ples bilong promotim wanpela kago kalt tingting.

Yumi mas mekim sampela bikpela senis long palamentari sistem bilong yumi, na yumi mas mekim nau.



**Putim was long
40 Yias Anivesari
bilong Wantok Niuspepa!
Spesol Saplimen
i kam klostu long dispela pepa
bilong yumi ol PNG stret!**



The Horse Trading begins all over again

IS THERE any truth in the suggestion that politics and prostitution are both the oldest professions in the world?

Well, we will not go into that in this column to maintain an element of integrity because the subjects or subject might not be a proper subject for a public discussion.

Now that the Supreme Court has determined that it is unconstitutional to bind a member of parliament to his political party even after he had already exercised his choice when he voted for the Prime Minister, we are back to base where the politicians can resume their game of 'head-hunting' to overthrow an existing government to form a new one. One question that the Supreme Court did not answer is: "how often is the member of parliament allowed by the constitution to exercise that choice in his 5 years as a parliamentarian?"

Is it a constitutional right or freedom to switch party from time to time, and if so, how many times is a member allowed to exercise that right or freedom? And once that member has exercised that right or freedom of choice, is he not bound by that choice for the duration of his term as a member of parliament and if not, why not?

Ever heard of the word, "sanctity of contract"? Is it not unlike the case of the contractual or a quasi-contractual relationship between a member and his political party that would bind him for the duration of his term in parliament?

We prefer the view expressed by Peter Donigi that the Supreme Court ought to have laid a solid legal foundation for its judgement by declaring in effect that the parliament's right to pass laws is not absolute but a qualified right sub-



ject to certain legal preconditions. However, Mr Donigi points out, maybe the Supreme Court wishes to deal with each case on its own facts rather than laying down a general principle. But what we require is a certain degree of certainty in the law, particularly when it comes to the issue of which way is the law leaning.

It does not help at all if we are to deal with all legal issues on a piece-meal basis without any guidelines as to which way we are heading.

Particularly at this stage of development where the State is playing havoc with the lives of the people, for instance, the Amendment to the Environment Act 2000, and the previous amendments to the Leadership Code, the Courts must come out strongly and exert a position of strength and direction; strength in the sense that it must come out of the closet and assert the prominence of the judicial authority of the people vested in the Courts and in the like manner, provide some judicial direction to the politicians as to which is the proper legal way to conduct the business of parliament.

The Constitution calls for judges to exercise "judicial ingenuity" and work towards the development of Papua New Guinean jurisprudence and particularly the underlying law, but to date there is no evidence that our Courts have picked up the

constitutional challenge.

What we require from the Courts is a statement of the Papua New Guinean philosophy of law as embodied in the national constitution particularly when reading the substantive provisions of the constitution against the back drop of the National Goals and Directive Principles. The Courts must come out strongly and assert that the politician cannot start to water down the structure of the Constitution or attempt to do away with certain constitutional institutions which are fundamental to the integrity of the constitution as a whole.

In any event, now that the Supreme Court has disturbed the hornet's nest, they are all out again vying for the top job in the country, and thereby get access to the national treasury. When one reduces politics in PNG to its core element, it all boils down to the two words, 'power' and 'money' for the big boys, and 'perks' for their associates.

One would think that people enter politics to 'serve' people, but it seems not the case in this country. Let us take some of our members for the various electorates in the National Capital and ask what they have done with the K10 million that they collect annually? Where have they pooled all that money?

Now that our members of parliament are out there showing their true colours again, there will be a lot of money, prostitutes and booze flowing freely from hotel to hotel in and around Port Moresby. As is usually the case, most of the money will be coming out of the national treasury where the government will be trying to hold its membership together given that the

Opposition is already out lurking in the background poaching candidates to swell its numbers to topple Sir Michael and his supporting parliamentarians.

From past experience, we know that members would openly side with the governing side, but behind the scene, they would be sending their scouts to find out who was meeting whom and what the likely number of candidates seeking to topple the government were. Done that way, the government members were kept abreast with the new developments so that if it appeared that the majority were with the Opposition then in the last minute, the government member would switch sides and vote with the opposition. This is the kind of horse-trading and money laundering that was stopped by the Organic Law on Integrity of Political Parties.

However, now that the relevant provisions of the Organic Law have been struck out as unconstitutional, the boys are out and about and at it again. And most of all, it is business as usual.

Anybody who thinks that politicians should not conduct themselves the way they do, is totally out of context in maintaining such a position. A politician is a politician which means anybody who trusts a politician is a bigger fool than the politician he or she trusts. One cannot expect a politician to act like a normal person otherwise he will cease to become a politician, hence he would lose his seat when he returns to the polls. Basically, a politician is a public parasite who does not know what hard work is all about. A politician does not have to earn a living because he lives off the hard work done by the common man and woman and from the pro-

ceeds he collects as taxes from people and businesses alike. And worst of all, a politician is the only one who can spend money without wondering where the next batch of kina will come from. These guys live off public funds like body lice or fleas. They are a despicable lot.

So here we go again. We have to slot in another recycled Prime Minister if the present one is thrown out in a successful Motion of No Confidence.

What else can we expect, when we have very few politicians whom we can label, 'new blood'. The bulk of them are tired old souls who appear to treat parliament as a retirement home or a sanitarium for the sick and the feeble.

We should pass a law to stop people returning to parliament after two full terms so that we can allow more people and new people to enter parliament to bring new ideas and stimulate development at the grassroots level. Right now, most of our members of parliament are living in either Port Moresby or Australia and they have no concept of what is happening in our villages throughout Papua New Guinea.

What we need to do now is have another look at the preconditions for standing as a candidate for a particular electorate. Those members who are not resident in their home districts should not be qualified to stand for that district or constituency.

This would force our members to return to their districts. Right now they are nowhere to be seen until it is election time when they will all be pouring back into the districts and villages promoting a cargo cult mentality. Let us undertake some major reforms in the whole parliamentary system.



Putim was long
40 Yias Anivesari
bilong Wantok Niuspepa
Spesol Saplimen
i kam klostu long dispela pepa bilong yumi ol PNG stret!

Fisio Terapi yunit long Pom Gen i kisim helpim long Petromin

OL Pot Mosbi Jenerel haus sik woklain bilong Fisio Terapi Yunit bai mekim gut wok nau long rekotim na wokim ripot long ol kain sik na pen na birua bilong ol sik, lewa i stop na man i pun-daun, ol aksiden na ol birua i kamap long pilai na wok.

Dispela i kamap bikos long gutpela helpim we Petromin PNG Holding kampani i givim i go long ol wantaim wanpela kompyuta pek.

Fisio Terapi yunit i save lukim planti siklain i kisim ol kain sik na pen i kamap bihainim birua bilong lewa i stop na man i pon-daun, ol aksiden na ol birua i kamap long pilai na wok.

I kam inap long Petromin Holdings i givim ol kompyuta, ol woklain i save raitim tasol ol rekot long han tasol wantaim kompyuta nau, ol wok bai senis na kamap isi long rekotim na sekim ol rekot bilong ol sik man-meri.

Sif fisioterapis Dokta Michael Wilson, taim em i tok tenkyu



TENKYU PETROMIN : (R-L) Dokta Michael Wilson, Sif Fisioterapis i lukluk taim Tracy Mandawali, Revenyu kuskus i poin i go long nupela kompyuta we Petromin i givim. Sam Inguba, Manesa Petromin Gavman na Pablik Afeas i prisenim kompyuta donesen i go long Fisio terapi yunit long Pot Mosbi Jenerel Haus sik. Long han kais em Rachael Abore, Fisio terapis teknisen na Dokta Kuang Lei em Akupansa dokta i lukluk i stap. *Poto: Petromin Midia*

long Petromin long helpim em i givim long ol i bin tok kompyuta bai helpim yunit na ol woklain bilong em long wanem nau, ol i save raitim ol ripot na rekotim long han tasol.

Menesa bilong Petromin Gavman na Pablik Afeas Sam Inguba, i amamas long ol woklain bilong yunit long helpim planti siklain long kamap orait bek.

"Mipela i amamas long givim yupela dispela liklik donesen. Mipela i luksave long bikpela wok ol woklain bilong Fisio Terapi yunit i mekim long helpim planti siklain i kamap orait bek na kontribuit long komyuniti. Mipela i bilip olsem dispela kompyuta pek bai helpim ol woklain long yunit", Mista Inguba i bin tok.



OL PLESLAIN I GREDUET: Kos bai helpim ol ples lain long ol projek, rot long raitim ol projek ripot, plen na menesim ol. *Poto: OTML Midia*

Ol Ok Tedi papagraun sindaun long kos

HELT, edukesen na stretim ol rot em ol bikpela sevis eria we menesmen bilong Ok Tedi Flai Riva Developmen Program (OTFRDP) bai go het long lukim olsem ol eria we main i karamapim i gat rot long kisim ol dispela sevis.

OTFRDP Eksekyutiv Manesa bilong Rijinel Developmen em Brian Ilsin i tok.

Em i bin wokim toktok long greduesen bilong 40 Viles Plening Komiit (VPC) siaman i gat long em tu ol asples trastis bilong Waitri na Alice Riva tras long Kiunga Westen provins i bin kamap long Julai 2.

Menesmen bilong OTFRDP i bilip olsem ol eria we inap kisim hevi long operesen bilong main em ol i ken lukautim gut ol samting na

skruim ol program i go sapos ol ples lain i kisim gutpela trening long luksave, plen na karimaut ol projek aninit long Komyuniti Main Kontinuesen Agrimen.

Ol VPC memba husat i bin greduet bihain long tupela wik kos i bin kisim trening long luksave long ol projek bai i go het yet, rot bilong raitim ol ripot proposel, go hetim na menesim ol projek, luksave long ol birua i sut long ol projek na kamapim ol plen long menesim ol risk o birua.

"Nau OTFRDP em i developmen faundesen bilong Ol Tedi Maining kampani tasol i wok em yet, oge-naisen i laik go het long lukim olsem ol eria we main i karamapim nai kisim ol sevis olsem helt, edukesen na ol rot," Mista Ilsin i tok.



DISCONNECTION EXERCISE

The PNG Waterboard advices all users of water/sewerage services nationwide that an **Extensive Disconnections Exercise** will take place to recover a massive outstanding debt of K30 million owed by individuals, Industries, institutions and Government Departments.

Disconnections exercise will commence on 26th July, 2010 where meters will be removed, and reconnected upon settling of the Full Outstanding Account Balances.

The recovery action will be undertaken in two phases:

1. All customers who have outstanding balances for more than **90 Days** with over **K10,000.00** will be affected as of 26th July, 2010.
2. Any Customers who owe **more than K5,000.00** in balances will be the next affected batch starting in August 2010.

Those customers who have resorted to illegal connection will be dealt with under the Water & Sewerage Act.

Government Departments and institutions must take immediate step as soon as possible to avoid any inconvenience.

Call into your nearest PNGWB Business Office or alternatively contact Head Office on **Ph: 3235700 Ext: 240, 242, 236, 238, 210, 234.**

Authorized by Acting Managing Director

Gavman i mas putim moa mani long UBE PNG i stap long mak nogut

Veronica Hatutasi i raitim

PAPUA Niugini i no sanap long gutpela mak bilong inapim gol long olgeta pikinini i mas kisim yunivesel Besik edukesen (UBE) kam yia 2015.

Olsem na singaut i go long nesenel gavman long katim 20 pe sen bilong nesenel baset i go long edukesen sekta na em i ken helpim long inapim 1 Gol long putim olgeta pikinini i go long skul.

PNG Edukesen Etvokesi Netwok (PNGEAN) em i wanpela Non Gavman Ogenaisesen i wokim dispela singaut bihainim wol ripot bilong 128 kantri we i soim olsem 46 kantri bai inapim gol bilong UBE kam yia 2015 taim 49 i nogat. Na long 28 we rekot bilong ol i no gutpelana ol bai no inapim gol, PNG i stap namel long ol.

"PNG i sanap long mak nogut olsem em bai no inapim gol bilong UBE kam yia 2015. Gol bilong

PNGEAN em long olgeta pikinini inap long go long skul i mass tap long skul kam yia 2015.

"PNG i ken inapim gol long UBE sapos yumi wantaim ol praivet sekta lain i wok bung wantaim gavman na ol ejensi i wok long sapotim edukesen," Sif Eksekutiv Opisa bilong PNGEAN em Priscilla Kare i tok.

PNGEAN i bin lonsim 1Goal- Education for All" o 1 Gol- Olgeta i mas kisim save long rit na rait" long mun Epril long dispela yia na makim Epril 19 inap long 25 olsem wanpela wik long karimaut kempein long ol wol gavman na moa yet, gavman bilong PNG i mas givim moa mani sapot long putim olgeta pikinini i go long skul kam yia 2015. Dispela em i stap 5-pela moa yia i kam tasol nau.

Bihain long lonsing bilong program, i bin gat ol gutpela sapot i kam long sivil sosaiti na ol stet ekta. Tasol nogat sapot tumas long gav-

man na moa yet long sait bilong Edukesen Dipatmen we wanpela sinia opisa tasol i bin stap long lonsing program. Sot long mani tu em i narapela hevi long strongim PNGEAN i karimaut ol wok kempein bilong em.

Bihain long PNGEAN i glasim ol samting, em i lukim olsem i moa-beta long ol i wok wantaim Yang Wimens Kristen Asosiesen na Tokstret program bilong ol, kirapim na strongim netwok wantaim ol provin-sel etministreta na Edukesen Dipatmen, ol NGO na ol sios netwok, wok bung wantaim Komyuniti Developmen aninit long Komyuniti Laining Program senta.

PNGEAN i tok em bai putim Epril 15 olsem 1 Gol- Olgeta i mas gat save long Rit na Rait long Nesenel Edukesen kalenda bilong neks yia na ol arapela yia i kam.

Bosman bilong Nesenel Literesi seksen bilong Edukesen Dipatmen, em Willie Jonduo, i tok ol i toktok

long kirapim wanpela Nesenel Literesi na Lenguist Institut we bai helpim long wok bilong inapim 1 Gol tasol i mas gat moa awenes na sapot.

Komyuniti Developmen Minista, Dame Carol Kidu husat i wanpela sapota long wok we PNGEAN i wokim i bin stap long bung i tok dipatmen bilong em bai katim sampela mani i go long sapotim PNGEAN. Em i tok dipatmen bilong em i sapotim strong literesi o olgeta pipel long kantri i mas save long rit na rait.

Mis Kare i tok PNGEAN i bin kirapim wok long yia 2003, tasol em i bin isi mekim wok inap long dispela yia Epril em i lonsim wok bilong em long 1 Gol Olgeta i mas go long skul long lainim Rit na Rait.

Em i tok sampela samting we i givim hevi na planti sumatin long PNG i no save go long skul em

long skul fi i antap tumas, skul i stap longwe na sekyuriti bilong ol sumatin na moa yet ol meri i no gutpela.

"Skul fi i antap naskul laip long PNG em i hat tumas long ol pikinini i kisim fri edukesen we i rait bilong ol. Taget long inapim 1 Gol i stap long han bilong gavman. Wok bilong mipela em long helpim gavman long inapim 1 Gol kam yia 2015," Ms Kare i tok.

PNGEAN i wok wantaim wol kempein long putim olgeta pikinini i go long skul long daunim hevi long wol we 75 milion pikinini we inap go long skul i no skul tude.

Tasol stat long yia 2000 taim ol gavman long wol i bin strongim kempein na ol bikpela na strongpela kantri i wokim komitmen, 40 milion moa skul pikinini i stap nau long skul, 1 Global Eksen long olgeta pikinini i mas go long skul i tok.

Liklik Peki na Wase wantaim bus wilbaro

James Kila i raitim

INSAIT long planti ol rurel viles na haus-lain long Papua Niugini, planti ol liklik pikinini i save lainim gutpela pasin long hatwok na kamapim kaikai taim ol i stap liklik yet.

Planti taim ol i save harim skul-tok o edvais bilong papamama bilong ol na tu sampela taim ol save lukim ol bikpela bilong ol i mekim wok na ol save traim bihainim.

Long ol rurel komyuniti insait long kantri, planti ol liklik manki save mekim wok bikos ples we ol i stap long en, o eria ol i groap long en em yu mas hatwok na bai yu kisim kaikai.

Wantok Niuspepa i bin

bungim tupela liklik manki, nem bilong tupela em Peki Ben husat i gat 9-pela krismas na Wase Mangi, husat i gat 8-pela krismas. Tupela wantaim i mekim gret 3 long Ronu Paimereri skul. Tupela bilong ples Mangiro we i stap long boda bilong Isten Hailans na Simbu provins. Ples bilong tupela i stap long sait bilong maunten na graun i gutpela long groim kaikai na tu kopi i gro gut tru long dispela ples. Olsem na tupela i lain long mekim wok taim ol i liklik yet.

Wantok Niuspepa i bin bungim tupela bihain long ol i go pikim kopi long gaden pinis na bihain tupela i kamautim

sampela kuru bilong taro kong kong na putim antap long liklik wilbaro bilong tupela. Na ol i wokabaut bihainim rot i go bek long ples.

Dispela tupela liklik ples-mangi i yusim tingting na save bilong ol yet long wokim dispela wilbaro yusim olupela wil bilong liklik traisikol. Ol i yusim dispela wil long fran na long baksait em ol i sapim ol man bilong kopi na mekim bet long putim ol samting antap long en. Long dispela taim Wantok Niuspepa i bungim tupela arere long bikpela Okuk Haiwe klostu long Mangiro bris we ol i wok long karim ol kuru bilong taro kongkong na wokabaut i go bek gen long ples.



BUS WILBARO: Peki Ben wantaim poroman bilong em Wase Mangi i yusim viles wilbaro ol yet i wokim long karim kuru bilong taro kongkong i go long gaden. Poto: James Kila

Asples man Fure strong long kirapim Ona Keto praimereri skul

James Kila i raitim

WANPELA strongpela asples man insait long Daulo distrik long Isten Hailans provins i bin hatwok tru long kirapim na strongim wanpela nupela elementeri na praimereri skul long ples bilong em.

Dispela man em Samuel Fure. Nau em i siaman bilong Ona Keto praimereri skul.

Mista Fure i bin stori wantaim Wantok Niuspepa long las wik long wok em i mekim long bringim helpim i go long dispela nupela skul. Na wok strong yet

olsem siaman long lukim olsem ol pikinini long ol viles na haus-lain insait long Ona na Keto traib long Daulo distrik i kisim gutpela edukesen sevis.

Nau yet, dispela skul i gat moa long 150 sumatin husat i mekim elementeri na Gret 1 i go Gret 6. Em i nupela skul tasol, Isten Hailans provinsal Edukesen Bod i luksave pinis long en na i promotim skul ya. I gat bikpela bilip olsem long neks yia Ona Keto bai lukim Gret 7.

Mista Fure i tok olsem bikpela as tingting bilong em long bringim skul i go

klostu long ples em long mekim ol sumatin long noken wokabaut i go longwe long skul.

"Mi yet long bipo i save bungim hevi taim ol pikinini long longwe i save krosim mipela na tu sampela taim mipela i save pret na i no save mekim skul gut.

"Olsem na mi yet i kamap wantaim dispela bikpela tingting long kamapim skul long sevim ol haus-lain insait long Ona na Keto wapisin long salim ol pikinini bilong ol i go long skul long hap," Mista Fure i tok.

Em i tok amamas i go long Ona Keto Pipols Faun-

desin (OKPF) long sapot ol i givim wantaim K8,000 long helpim long bringim satalait televisin i go long dispela skul long helpim ol sumatin long skul long lukim TV na tu lainim nupela samting.

Dispela sevis bai helpim tu ol pipel insait long ol hauslain olsem Mononga, Foindomo, Ronu, Runame na tu long Kenangi.

Em i tok i no long taim i go pinis skul i bin mekim wanpela bikpela fan reising long helpim skul long sanapim sampela moa klasrum na tu stretim skul gut long ol sumatin i ken go skul long hap.



PAPA BILONG SKUL: Siaman bilong nupela Ona Keto praimereri skul Samuel Fure i sanap fran long geit bilong skul. Poto: James Kila

Sen Peter Sanel Peris tok gutbai long peris pris

Veronica Hatutasi i raitim

SEN Peter Sanel Katolik Sios manmeri na pikinini long Erima insait long Nesenel Kapitel Distrik i bin amamas gut tru las Sande long tok gutbai long longpela taim peris pris i lusim ol bilong go wok long narapela peris insait yet long Pot Mosbi Asdaiosis.

Pater Paul Liwun SVD i bin peris pris bilong Sen Peter Sanel Katolik Sios kongrikesen inap long 12-pela yia, stat yet long 1998. Long dispela taim, peris i bin tok gutbai long narapela gutpela SVD pater i lusim ol i go long Sen Mary's peris long Goroka, em Pater John Ryan.

Pater Paul i bilong Flores Ailan long Indonesia na em i bin kam long PNG long 1990 na statim wok misinari long Hailans pastaim long em i kam long Mosbi.

Insait long 12-pela yia bilong em long Erima, peris na Katolik komyuniti i lukim planti senis na ol wok kamap. Sampela long ol em, peris i wanpela ektiv o i save mekim planti wok peris insait long Pot Mosbi Katolik Asdaiosis long strongim spiritual, sosel, na fisikel sait wantaim. Tu, maski peris i sios bilong ol grasrut, ol namel lain na ol setelmen lain, pasin bilong wok bung wantaim, givim, sapot na belsori em i bikpela tru. Na dispela i karim sios na peris i go fowet long mekim ol wok bilong em. Mak bilong kongrikesen i kamap bikpela tru na nau, peris i wok long mekim fan resing long bungim mani na bildim bikpela sios moa we olgeta bilip manmeri long peris i ken sindaun insait.

I no long taim i go pinis na Pater Paul i bin kisim nius olsem em bai go wok long Sen Michael's Peris long Hanuabada. Olsem na bihain



(L-R) GIVIM KI: Pater Paul Livun SVD I givim ki bilong haus, kar, opis na ol narapela samting I go long nupela pris, em Pater Ben husat bai I lukautim Sen Peter Sanel Erima peris nau. Foto: Nicky Bernard

long bikpela tok gutbai long ol perisina bilong em, em i lusim Erima long dispela wik Mande Julai 11, 2010. Na long kisim ples bilong en, em narapela SVD wantok pater bilong em, Pater Ben husat i bin wok 10-pela yia long Simbu na wanpela yia long Kuriva peris long Bereina Daiosis. Long gutbai misa lotu, Pater Paul i bin givim ki long haus pater, kar na olgeta narapela samting i go long han bilong Pater Ben.

Sios graun, haus lotu na hol bin pulap kapsait long ol perisina bilong Sen Peter's husat i bin kamap long gutbai misa lotu, bung kaikai na putim kamap ol kalserele danis na singsing long soim bikpela tok tenkyu long Pater Paul husat i bin gutpela spiritual lida, pren, tisa man i givim gutpela stia long ol wari na hevi we ol perisina na skul i go lukim em long sosel, fisikel na spiritual sait.

Olgeta liteji, yut, meri na 4-pela rijinel grup long peris i bin wok bung wantaim long kamapim gutpela misa lotu, putim kamap ol kalserele

ektiviti, givim ol presen na wokim bung kaikai we ol i bin kilim na serim tripela pik long bung kaikai bilong ol. Namba foa pik we ol i no kilim na ol kaikai i no kuk em ol i bin givim long Pater Paul long karim i go long nupela peris long Hanuabada na serim wantaim ol memba bilong peris. Ol selebresen i bin go inap long nait na pipel i bin amamas long gutpela de, tasol ol i sori long lukim gutpela pater na pren bilong ol long 12-pela yia i lusim ol.

Siaman bilong Peris Kaunsel na ol narapela i bin givim ol toktok long makim ol perisina na autim tok tenkyu bilong ol taim Pater Paul tu i bin gat sans long toktok.

Wanpela strongpela toktok Pater Paul i bin givim long ol perisina em long lukautim gut mani we ol i wok long kamapim na bungim long fan resing bilong bilding nupela na bikpela peris sios.

Em i bin tokim ol perisina olsem "mi no go olgeta, mi senisim bet tasol. Bai mi save kam raun lukim yupela long sampela taim," Pater Paul i tok.



Husat i asua?

I NO long taim pinis lo i painim aut olsem Ogenik Lo bilong Integretet Politikel Pati na Kendidet i stap krangi liklik na ol oposisen memba na ol arapela memba i yusim dispela hap olsem fridom long kalap i go kam olsem rokrok long kamapim vot i no gat bilip long rausim Somare Temu gavman.

Mausman bilong Mekere, Bart i kirapim bikpela paia long lukim senis bai kamap long palamen bilong yumi o nogat.

Orait, bihain yumi ken lukim dispela senis, husat tru i asua long dispela (OLIPPAC). Husat i kamapim na husat i no stretim na strongim.

Sapos yumi glasim gut, tupela lida wantaim i asua.

Sir Mekere long dispela taim i Praim Minista na em i kamapim dispela OLIPPAC na em i ting olsem na em i win long 2002 nesenel ileksen.

Na bai yusim dispela hap lo long banisim em long i stap pawa yet.

Tasol dispela driman i popaia na i lukim Se Michael Somare i win na yusim dispela hap lo olsem sil long banisim na inap klostu 10pela yia.

Tasol asua bilong praim minista Se Michael i no glasim na stretim na strongim long lukim dispela (OLIPPAC) i kamap olsem lo.

Olsem na Gren Sif Se Michael tu i mekim asua. Olsem na dispela asua em i bilong tupela lida man wantaim tasol, bikpela samting em yumi glasim ol oposisen i tromoi sut toktok i go i kam i stap.

Long pasin bilip insait long sios o buk Tambu i tok olsem, yumi noken kirap kwik na poinim pinga i go long narapela.

I moa gut yumi stiaim gut na rausim ol pipia i stap long ai bilong yumi pastaim na bihain yumi poinim pinga.

Gutpela pasin i olsem, trupela lida i mas daunim em yet na soim wok na kala bai God i ken tok yesa long em.

Tingim, lida i no bilong ronim paus bilong mani nogat, lida em bilong lukautim pipel.

Salens long Boana Lutheran Sios

Paulus Tali i raitim

NUPELA Boana Distrik Lutheran Sios long Morobe provins i kisim salens long sanap em yet na wok bung wantaim ol sios memba bilong em long strongim sios bilong Bikpela.

Long wankain taim tu, tok tenkyu i mas go long ol ovasis misinari husat i bin kisim Tok bilong Bikpela i go long ol na ol tu gen i kisim i go long ol narapela hap bilong Momase na Hailans rijen.

Het Bisop bilong Evanjelikel Lutheran Sios (ELC/PNG), Bisop Giegere Wenge i wokim salens na tok olsem long opim nupela Boana Distrik Lutheran Sios opis long Boana yet long Julai 2, 2010.

Sinot bung bilong ELC/PNG long Mumeng, Wau Distrik long Morobe provins yet las yia i bin tok orait olsem Boana Distrik i mas kamap wanpela

Lutheran Sios distrik em yet bikos em inap long ol samting na em i ken ranim wok bilong em. Olsem na em i bruk lusim Kote Distrik na kamap namba 16 Lutheran Sios distrik insait long kantri.

Bisop Wenge i bin strongim ol tok tok long pasin bilong stap wanbel na wok bung long kamapim samting insait long sios, komyuniti na kantri.

"Stap wanbel long luksave bilong Kraus aninit long Santu Spiritu. Kraus tasol em i bun na yumi mas bung na pas wantaim em.

"Ol kain kain hevi i kamap na yumi pundaun tasol nau, yumi ol Lutheran bilong Boana we em i hap ministri bilong Kote i mas sanap long yumi yet na wok bung wantaim long strongim sios bilong God.

"Yumi mas tok tenkyu long ol German, Amerika (United States of America) na Australia misinari na God tu

long Tok bilong Em.

"Yumi Boana Lutheran i gat nem long bringim Gutnius i go long ol narapela ples olsem Simbu, Enga, Jiwaka na Westen Hailans," Bisop Wenge i tok.

Taim em i tokaut long sios opis bilong nupela sios distrik i op, Bisop Wenge i bin tokim ol sios lida long "noken slip, tasol kirapim paia bilong Holi Spirit na go mekim wok misin long ol narapela".


Long wankain taim tu, Gavana bilong Morobe, Luther Wenge i bin kamap long opening bilong nupela Boana Lutheran Distrik opis na tokim ol lain i bin lotu long givim tenkyu i go long Papa God long olgeta samting em i save givim na long selebresen i bin go gut tasol long de bilong em.

Em i tokim tu ol Kristen na ol yut long sapotim ol sios woklain wantaim ol taitis ofa bikos long dispela kain ofa, bai yumi sapotim strong



AMAMAS, TENKYU NA GUTBAI: He! He! He! I! OI Liteji yut grup bilong Kingfisa na Krein Strit long Erima I kirapim das wantaim Manus danis. Foto: Nicky Bernard

ARERE OROKI:
Mama bilong
Hora Juwelri i no
givap tasol i
skruim lukluk
bisnis bilong em.



NAISPELA JUWELRI: Hia em sampela ol naispela ring, yauring, nekles, bengol, pels na moa ol naispela juwelri we mama bilong Hora Juwelri na lain bilong em i go het yet long mekim. Poto: Veronica Hatutasi

Hora juwelri i stap yet ... Yu ken putim oda bilong yu

Veronica Hatutasi i raitim

I GAT rot i stap we wan wan manmeri insait long dispela kantri i ken mekim mani long lukautim em yet na famili bilong em.

Arere Oroki em wanpela meri Hanuabada i bosim liklik juwelri bisnis bilong em long Mosbi siti na i lukautim em na famili bilong em long 15-pela yia nau.

Maski bisnis i bungim hevi, hatwok, givim sevis na strongpela tingting long skruim bisnis i go i lukim bisnis bilong Misis Oroki i go het yet bihain long 15-pela yia nau.

Juwelri em ol samting bilong putim long bodi, yau, han, nek long bilasim bodi long en. Em ol samting olsem ol yauring, ring bilong ol marit, ring long bilasim pinga, ol kundu set ol i wokim long blek pel na silva na gol, sen na samting long hangamapim na putim long nek na ol narapela bilas bilong bodi long en.

Meri Wantok i bin bungim Misis Oroki na stori wantaim em long rot bisnis bilong em i wok long ron long en.

Nem bilong juwelri bisnis bilong Misis Oroki em long "Hora Jewellers

Ltd. Ol i bin gat stoa, opis na fektori bilong mekim ol samting long Boroko, tasol nau ol i mekim ol wok long haus.

Misis Oroki i tokim Meri Wantok olsem ol i yusim ol gol, blek korol na ol Blek pel, Kina sel, bun bilong pukpuk na pik (tusk) bilong PNG yet long mekim ol samting.

"Ol samting mipela i salim hia na ovasis em mipela yet i wokim long PNG. Em ol samting olsem Yelo gol ma stelim silva, blek korol pels, tit bilong pukpuk, sak, ol kina sel na ol pleik i gat ol PNG disain o droing long ol.

"Ol blek pel em mipela i baim long Milen Be na Westen provins na ol ples lain taim ol pukpuk na sak tit em mipela i baim long PNG yet.

"Mipela i wokim ol samting long oda bilong husat lain o man i laikim samting na putim oda i kam. Mipela i save givim "lay-by" we ol man i ken putim hap mani long ol potnait inap ol i pinisim peimen na kisim ol samting," Missi Oroki i tok.

Em i tok ol i bin lusim stoa na fektori long Boroko bikos long bikpela mani long peim rent fi long em. Nau, Hora Juwelri i save mekim bisnis long PNG na Australia.

"Mi gat network wantaim ol meri PNG i marit o wok na i stap long Brisbane, Taunsvil na Kens long Australia na dispela i helpim mi gut long soim na salim ol juwelri bilong mi. Na long wankain taim tu, apim ol samting yumi kamapim na wokim long PNG yet," Misis Oroki i tok.

Em i save kisim ol spesel oda i kam long Australia na i wokim bilong ol. Mani em i kisim em i save lukautim famili bilong em long en.

Misis Oroki i gat sampela toktok i go long ol meri olsem ol i ken wokim na lukautim ol kain liklik bisnis bilong ol.

"Ol meri i ken wokim ol samting long han bilong yupela. Wanem samting yupela i mekim, sapos em i juwelri, henkraf na wanem samting moa, yu ken statim wantaim liklik samting na lukautim na bai gro," Misis Oroki tok.

Sampela ol juwelri em i save salim long Ela Bis kraf maket na Waigani Ats Tiata hap.

Sapos yu laik save moa o yu laik putim oda bilong yu long sampela juwelri bilong ol, yu ken kisim ol long ol dispela kontek: Mari Doyce Oroki long Telepon namba 76871728/72169454.

www.JapaneseVehicles.com

GO

Summer Sale ALL STOCK PGK540 OFF!

Some example:

PRICES IN PNG KINA, SHIPPING COST AND TAXES NOT INCLUDED.



TOYOTA Camry '98
1.8ltr petrol, AT, whitepearl/silver,
31,000km



TOYOTA Mark II '99
2.0ltr petrol, AT, silver, 93,000km



NISSAN Sunny '99
1.5ltr petrol, AT, white, 61,000km



TOYOTA Camry Gracia '97
2.5ltr petrol, AT, whitepearl/beige,
45,000km



NISSAN Cefiro '99
2.0ltr petrol, AT, silver, 58,000km



TOYOTA Rav4 '95
2.0ltr petrol, AT, 4WD,
whitepearl/grey, 99,000km



MITSUBISHI Pajero '92
2.5ltr diesel, MT, 4WD, wine
red/silver, 91,000km



MITSUBISHI Pajero '96
2.5ltr diesel, AT, 4WD,
silver/d-green, 91,000km



NISSAN Serena '00
2.5ltr diesel, AT, 4WD, l-blue,
97,000km



NISSAN Canter Dump '96
3.6ltr diesel, MT, blue, 2 Ton,
8,000km

1000 used vehicles from Japan, ALL PGK540 OFF until 2nd of August, hurry while stock lasts!

Contact us and leave your telephone number, we will call you back. From 8:00 to 23:00, PNG time, ask for Roger / Juan.

Web: www.JapaneseVehicles.com / Email: sales@JapaneseVehicles.com

Tel: +81-52-219-9024 / Fax: +81-52-219-9025

TRUST JapaneseVehicles.com



TOK PISIN NEWS

from Radio Australia

radioaustralia.net.au

Harim TOK PISIN long

Radio Australia

101.9FM

Port Moresby

Tok Pisin Service

6am - 7am6080; 7240(KHz)

7pm - 9pm5995; 6020; 9710; 1280(KHz)

Nu Saut Wels i promo- tim ol kos long ol Saina sumatin long skul long Australia

PREMIA bilong Nu Saut Wels stet bilong Australia i tok ol opisal long Stet Dipatmen bilong Edukesen bai go long Shanghai bilong pro-
motim ol kos i go long ol sumatin long Saina.
Kristina Kenealy i tok, ol bai go stap long Shanghai Wol Ekspo wantaim ol Saina sumatin husat nau i stap skul long Australia long promotim ol benefit o gutpela samting bilong Teseri Teknikal skul kos na ol arapela koles bilong gav-
man.
Edukesen em i namba tri bikipela ekspot bilong Australia, na i gat nau 150 tausen Saina sumatin long Australia.

Ol i kilim 300 dok bilong lukautim ea sevis long Tuvalu

OL atoriti long Tuvalu i tok, ol i bin kilim samting olsem 300 dok em ol i no lukautim ol gut, bilong sevim wanpela ea sevis bilong bikipela ailan Funafuti.
Air Pacific i bin tok lukaut long stopim tupela taim ron bilong em namel long Fiji na Funafuti long wanem long ol wari bilong sefti taim old ok i bin wok long go kam antap long wanpela ranwe bilong balus.

I no gat opisal namba long hamas dok ol i gat antap long Funafuti, tasol Nu Silan Press Asosiesen i tok, planti dok i save go kam long laik bilong ol raun long ailan.
Polis long Tuvalu i tok, kilim bilong old ok namel long mun Novemba long yia i go pinis na mun Mas dispela yia i bin helpim long daunim sampela wari.
Ol i tok, ol i wok long lukluk long ol narapela ansa bilong stopim dispela hevi i no ken kamap gen.

Bikpela namba sipmen i wok long kamapim hevi long ol bikipela bris

MOA samting long sip bilong Papua Niugini Likwifait Netseral Ges projek i wok long kamapim bikipela hevi long ol bikipela bris bilong ol sip long kantri.
Tasol, ol wof operesen i wok long mekim ol samting nau long karim ol dispela hevi.
Namel long dispela LNG infra-
straksa bai gat sampela bikipela prosesing fasiliti na moa long 700



PASIM WEL: Bikipela wel i wok long sut i kamaut long paip long Galp bilong Meksiko, em dispela wik BP, kampani i bosim dispela wok bilong pulim wel, i pasim paip i bruk wantaim wanpela ai we ol i tok em bai strong na inap long pasim wel bai em i noken kamaut moa. *(AP Poto i kam long AAP Images)*

kilomita bilong paiplain stat long PNG Hailan i go long nambis.
em bai go daun na ron aninit long si, i go kamap long wanpela ples klostu long Pot Mosbi.
Ol divelopa bilong projek em long ExxonMobil, PNG kampani Oil Search Limited, Santos, Nippon oil na PNG gavman.
PNG Ports Koporesen i tok, i tru ol pot o bris bilong sip i wok bungim hevi long taim ol hevi masin na samting i go kamap, ol i mekim ol samting ol i ken bilong lukim olsem, ol samting ol i gat i ken karim hevi.

Wanpela Nu Silan meri no nap toktok stret

I GAT ripot long wanpela meri bilong Nu Silan i tok long safa long wanpela foren aksen sindrom we Kiwi ton nek bilong em i tanim i go long wanpela miks Welsh, Skotis na Not London nek o toktok.
Bronwyn Fox, wanpela meri i gat sik sklerosis long Sauten Nu Silan i tokaut olsem taim em i kirap wanpela moning, em i painimaut olsem

nek bilong em i senis pinis.
Wanpela poto ol i kisim long sekim kru long het bilong em i soim olsem i gat tupela liklik sua long baksait bilong kru bilong em.
Dokta bilong em i bilip senis long toktok bilong em i kamap wantaim dispela tupela liklik sua, tasol i no bin inap long mekim sampela samting long helpim em.
Fox em i namba tri tumbuna bilong Nu Silan, na i no go yet long Yunaitet Kingdom, na taim em i bin toktok namba wan taim long ol pren bilong em long telepon long nupela nek bilong em, ol i bin tok dispela i wanpela giaman toktok na ol i hangamapim fon na les long toktok long em.
Narapela wankain hevi i kamap olsem em long wanpela meri Inglan husat nek bilong em i tanim na em i kamap olsem toktok bilong ol Frens bihain long em i kisim strouk, na wanpela meri Norwei husat nek bilong em i bin senis na em i toktok olsem Jeman bihain long katres i kisim em long 1941.
Long stat bilong dispela yia, wanpela meri long Inglan i bin toktok wantaim kain nek bilong Saina

bihain long em i bin kisim strong-
pela het pen tru.

BP putim nupela ai antap long paip bilong wel long Galp bilong Meksiko

BP i putim pinis wanpela nupela ai long pasim paip bilong wel long Galp bilong Meksiko.
Ol robot sabmarin wantaim ol bikipela lait i bin kisim poto na salim i go antap long wok em i mekim long 1.6 kilomita aninit long solwara.
Wantaim dispela nupela kep, ol i putim pinis, ol enjinia i lukluk long pasim ol valv antap long dispela 75 tan sistem bilong lukim em inap stap strong long pasim presa i kam long wel i wok long sut i kam aut.
Dispela tes bai kisim siks i go nap long 48 awa long ol i pinisim wok, na sapos ol presa riding i antap, ol BP opisal i tok, ol i ken nap larim ol valv i stap pas yet.
Long wankain taim, US gavman i putim nupela tingting na laik bilong

em long opso dipwara drilling, bihainim dispela bikipela Galp bilong Meksiko wel birua.
Wok bai go inap long pinis bilong mun Novemba.

Fiji elain lusim bikipela mani long yia pinis long Mas 31

INTANESENEL elain bilong Fiji, Air Pacific, i ripot long bikipela lus ol i mekim bihain long wanpela yia em i bin pinis long Mas 31.
Siaman bilong Air Pacific, Nalin Pateol, i toke lain i lusim 65 milian dola, em i go antap faiv milian winim mak long yia i go pinis.
Air Pacific Limited i bin tokaut tu long 59 milian dola lus, em go antap seven milian moa long wankain taim long yia i go pinis.
Siaman i tok, 2009 na 2010 fainensal yia i bin wanpela hatpela fainensal yia long histori bilong balus kampani, wantaim long hevi em i bungim long nupela wok resis na prais bilong piul i go antap olgeta.

PacificBEAT

4. 5. 6am & 4pm. 5pm
including sport

Listen to Radio Australia

101.9FM Port Moresby

Radio Australia current affairs programme which focuses on island nations, bringing you morning and evening coverage of Pacific current affairs including interviews with political leaders, newsmakers, and the people who make the Pacific beat.



Wanem as bilong vot nogat bilip?

VOT nogat bilip long gavman bilong Somare i wok long kirapim bel bilong planti ol memba bilong palamen nau tasol sapos ol memba insait long gavman i sanap strong bai ol inap long winim dispela salens na holim gavman go inap long 2012 nesenel ileksen.

Vot nogat bilip long Gavman i no nupela samting. Em save kamap long bipo tasol taim nupela Lo bilong Intagriti ov Politikel Pati na Kendidet bin kamap na stopim dispela. Tasol nau Kot i rausim dispela Lo long las wik na olgeta samting go bek olsem bipo we vot nogat bilip ken kamap agensim Praim Minista na Gavman bilong em.

Praim Minista Gren Sief Sir Michael Somare i no nupela man long dispela samting bikos em bin stap insait pinis long dispela samting long bipo i kam na em save gut long dispela kain gem. Sir Mekere Morauta long Oposisen sait bin winim sia bilong Praim Minista long 2001 long vot nogat bilip na ranim Gavman inap long



2005 nesenel ileksen we Sir Michael Somare na pati bilong em Nesenel Alaens (NA) bin win na kamapim gavman.

Bart Philemon bin stap olsem klostu 20 krismas long palamen na em klia gut tru long ol rot na kain pasin we i save kamap long taim bilong vot nogat bilip.

Plantil ol memba long Gavman nau em yangpela na nupela lain long kain pasin bilong vot nogat bilip olsem na ol bai sanap tasol na skelim gut wanem kain eksen na disisen ol bai mekim long dispela taim. Sampela yangpela lida i tokaut pinis long ol bai sanap strong wantaim Somare na holim Gavman inap 2012.

Dispela samting nau i go bek long namba gem nau. Wanem sait kisim moa namba bilong ol memba, em nau ol bai kamapim Gavman. Yumi save pinis

em taim nau bilong grisim na pulim ol memba go kam. Oposisen na Gavman bai stap long kem nau na salim walis go kam long pulim ol memba na holim namba mak long 57 na moa. Sapos wanem sait gat dispela namba o moa, em ol inap kamapim Gavman o holim Gavman yet.

Wanpela lain husat save gat pawa long dispela taim bilong vot nogat bilip em ol lain long namel we ol save kolim ol yet bek bensa. Ol dispela lain em ol stap long Gavman o Oposisen tasol ol save sindaun long namel bikos ol nogat wok minista o ol les long tok pait plantil long sampela bikpela toktok bilong Gavman na Oposisen. Ol laik stap namel lain tasol. Dispela Gavman na Oposisen mas grisim ol gut tru long kisim ol. Sapos ol tok long ol laikim wok Minista o ol laikim projek bilong ol long ples i mas kamap hariap, em taim bilong Gavman na Oposisen long harim tok bilong ol nau.

Intagriti Lo bin kamap

long strongim Gavman bai Gavman noken senis nabaut. Em ken stap gut na kamapim gut ol plen o polisi bilong ranim kantri. Tasol nau dispela Lo i raus pinis. Em taim bilong salensim Gavman nau.

I gat bikpela nogut long dispela bikos nem na bisnis bilong kantri bai i no inap ran gut taim Gavman i senis. Tasol sapos ol lain husat laik senisim Gavman i gat gupela na strongpela plen na rot stap bilong ranim Gavman orait, ol ken go het. Olgeta samting ol lida i mekim em bilong gupela na nogut bilong kantri tasol.

Sapos Oposisen laik senisim Gavman nau, orait moabeta olm as tokaut klia long ol pipel bilong Papua Niugini wanem bikpela samting tru ol laik kamapim bilong gupela senis na gupela developmen bilong dispela kantri.

Vot nogat bilip i no nupela samting long PNG. Tasol plantil samting i no save kamap gut long kantri taim dispela senis i kamap.



KOMENTRI

Noken lus tingting long stretpela pasin

TUNDE neks wik bai lukim palamen i sindaun gen. Em bai namba wan taim we palamen bai bung, bihain long Suprim Kot i rausim hap bilong lo i bin pasim wan wan memba bilong palamen long vot bihainim laik em i gat long bel bilong em yet.

Em bai taim tu we olgeta toktok bilong vot i nogat bilip, na senisim gavman bai kamap.

Aste tasol, memba bilong Bulolo, Sam Basil i tokaut olsem oposisen i kisim sampela toksave olsem i gat bikpela hap mani em ol sinia minista long gavman i wok long tromoi i go kam long pulim tingting na luksave bilong ol memba bilong palamen, bai ol i sanap sapotim gavman bilong Sir Michael Somare na Nesenel Alaens Pati.

Long ol toktok Basil i mekim, i olsem sampela ol memba i wok long pundaun long dispela grismani pinis.

Yes, em i grismani. Em i mani we ol memba i bihainim bikos ol i laikim bilong ol yet.

Sapos ol memba bilong palamen i gat gupela tingting, ol i noken pundaun long ol dispela kain gris samting.

Wan wan memba bilong palamen i mas skelim yet strong bilong em long sanap bihainim stretpela pasin, na lukluk long wanem ol samting ol pipel bilong em i kisim pinis, na wanem kain samting em, olsem mausman bilong ol, i ken givim ol.

Sapos memba i ting olsem dispela mani em i fri mani, na em i bihainim, i mobeta memba i mas lus tingting long sanap gen long nesenel ileksen long 2012.

I gat plantil samting na birua tru i kamap aninit long lukaut bilong dispela gavman i stap nau.

Long namba wan taim long histori bilong Papua Niugini, gavman i senisim lo i bosim lukaut bilong busgraun na solwara bilong yumi, long traim kirapim wanpela bikpela risos projek ol kampani bilong kantri Saina i kamapim long wanpela provins bilong yumi.

Long namba wan taim tru long histori bilong Papua Niugini, gavman i yusim namba bilong en long slekim strong bilong Ombudsmen Komisnin, wanpela opis we Mama Lo bilong yumi i tok i mas i stap long strongim gupela tingting na gupela, stretpela pasin.

Sapos yu, memba i gat tingting long bihain taim sindaun we i mas i stap gupela bilong ol pikinini na tumuna bilong yu, i mobeta yu noken pundaun long grismani, na sanap strongim stretpela tingting na pasin.

I gat wanpela samting tasol we bai stiaim yu long bihainim rot i stret, na rot we i pulap long tudak.

Em i bel bilong yu. Sapos i no stret, noken mekim.



Published Weekly, Thursday, for
Word Publishing Company, Ltd.
P.O. Box 1982, Boroko, NCD
Papua New Guinea

Telephone: (675) 325 2500

Fax: (675) 325 2579

Email: editorial@wantok.com.pg

Pe bilong wanpela yia
52 niuspepa

Ples:	Air:
PNG	K220.00
AUSTRALIA	US\$110.00
ASIA PACIFIC na JAPAN	US\$150.00
AMERICA na EUROPE	US\$210.00

General Manager
Elizabeth Kanga

Editor
Neville Choi

Published at
Section 58, Alotmen 3
Office 2, Waigani Drive.

Word Publishing Company Limited is owned by the four major churches of Papua New Guinea - Catholic 55%, Lutheran 25%, Anglican 10%, United Church 10%. The company reserves the right to accept or reject any advertisement or other material submitted for publication which it deems contrary to the public interest at its absolute discretion. The publisher's general terms acceptance are available at Word Publishing Company Ltd and are set out full on the display advertising form.

Wolnius long poto...



TRAIM HELPIM: Ol volandia long Currarong long noten Nu Saut Wels i traim long helpim wanpela bebi Spem (Sperm) Weilpis husat i bin sua na i no inap go bek long biksolwara. Ol dokta bilong enimal i sekim na tok olsem em i nogat sans long go bek long solwara, o stap laip inap ol i ken kisim em i go bek, na i mobeta ol i kilim em.



LUKIM IKLIPS: Ol turis i werim ol spesol glas long haitim ai na lukluk long sola iklips long Isla de Pascua, long kantri Chile. Sedo bilong mun i bin muv raun 3.7 kilomita samting insait long Pasifik, na dispela i givim sans long ol pipel long Chile, Peru na Ajentina long lukim. **(EPA Poto i kam long AAP Images)**



WOK BISNIS YET: Maski bikpela ren i pundaun, na wara i tait long rot long ples Lahore long Pakistan long Mande dispela wik, dispela man Pakistan wantaim pikinini bilong em i strong yet long pusim maket karis bilong em na salim kaikai. **(AP Poto i kam long AAP Images)**



MUN HAITIM SAN: Sait bilong sun i sain strong yet maski mun i ron i go long fran na pasim long wanpela sola iklips i kamap long Fraide las wik. **(AAP Poto)**

Kamapim Bikpela Senis long Rot bilong Yumi

Wantaim Dr John Mua

**The evolution of PNG Road Safety
Senis kamap long PNG Rot Sefti**

KLOSTU olsem wanpela yia nau mipela i bin lonsim MVIL ‘Rot Sefti – Em i no wanpela Pilai’ nesinol pablik aweanes kempein. Mi ting olsem ating planti lain insait long Papua Niugini i save pinis long dispela kempein. Bikpela gol o samting long lukim kamap em long strongpela kamap bilong dispela aweanes, na wanpela we i ken wokim kamap wanpela strongpela simen long mov i go fowat.

Long nambawan taim yet long lons i bin kamap, mi bin stap insait long planti gutpela wok long helpim na tokaut long ol bikpela toktok long aweanes. Eksampel em long yusim niuspepa, redio na intaviu long televisin. i gat dispela ona gen long kisim dispela taim long Wantok Niuspepa long raitim ol toktok olgeta wik long dispela ol bikpela senis we i kamap long sait long rot sefti long PNG.

Dispela kempein i bin kamap bikos i gat bikpela nid long en. Insait long wok bilong mi wantaim MVIL, mi yet lukim stret ol ripot long ol birua i kamap long rot na namba long ol manmeri na pikinini i dai na husat ol lain i stap insait long ol dispela birua. Planti i lusim ol femili memba ol laikim tumas na planti i stap wantaim hevi na wari longpela taim. Planti ol dispela samting i kamap bihain long nogat luksave i stap long rot sefti.

Mi bin tok pinis bipo olsem, dispela rot sefti kempein em wanpela long kamapim senis, ino long senisim olgeta samting. Dispela kempein bai go het long pait na daunim ol pasin nogut ol draiva na ol narapela lain save kmapim insait long planti yia i go pinis.

Ol bikpela eria we senis mas

kamap long en long sait bilong Rot Sefti kempein em long pasin bilong Spitim Kar, Dring na Draiv, PMV i Pulap, Sefti bilong Manmeri i Wokabout long Rot na Wanem Rait ol pasindia long PMV i gat long wokim draiva olsem em i noken spitim kar o dring na draiv. Ol dispela pasin nogut i stap longpela taim tru.

Long mov i go fowat wantaim dispela Sefti kempein, em i kamap pleskليا tru olsem edukesin i mas stat long ol lain i liklik o yangpela yet. Dispela bai givim gutpela tingting long ol yangpela long i gat gutpela tingting long stopim o noken i gat dispela pasin nogut long dring bia na draiv na tu ol i mas redi gut pastaim long ol i ken kisim laisens long draivim kar. Bikpela samting em mi amamas long toktok em long Rot Sefti edukesin we ol yangpela bilong yumi mas save gut long en pastaim.

Narapela feveret hap bilong dispela Sefti Kempein, na samting we mi bilip i kamapim amamas long planti lain pablik long PNG em dispela NRL PMV Draiva Kompetisen we 15-pela gutpela draiva husat i bihainim sefti na gutpela pasin long draiva oltaim bai i gat sans long go lukim 2010 NRL Gren Fainol long Sidni, Australia. Long neks wik bai mipela i lukluk long namba bilong ol dispela draiva husat i no mekim gut long kompetisen na bai ino inap long stap insait, na tu dispela ol draiva husat i mekim gutpela wok na i bai stap yet long resis na i gat gutpela sans long winim dispela prais.

Dr John Mua em Menesing Dairekta bilong Motor Vehicle Insurance Limited, husat i kamapim “Rot Sefti: Emi no wanpela Pilai” pablik aweanes kempein.



ABURUSIM BIRUA: Lukluk gut long manmeri wokabout long rot

SPITIM KAR

em ino wanpela

PILAI

NOKEN

SPITIM KAR

STAP WANTAIM GEM PLEN

BILONG YU NA SPIT LIMIT

Spitim kar em wanpela long ol bikpela asua tru we i save kamapim birua long rot insait long PNG NA save lukim planti pipel i dai. Sapos yu spitim kar yu bai gat bikpela sans long bungim birua na kilim yu yet o narapela lain. Em taim nau long tingting strong long ROT SEFTI – em ino wanpela PILAI

60

km/h

Insait

long taun

o sain i soim

75

km/h

Long ol

Haiwe

o sain i soim

SAPOS OL I HOLIMPASIM

YU BAI YU PEIM MANI

O GO LONG KALABUS

ROT SEFTI

em ino wanpela


PILAI

A road safety initiative by

M

Motor Vehicles Insurance Ltd

MA-advism 12208-WN-Superling



Nupela viles neseri long kisim ol nupela sidling bilong diwai.



Ol dispela liklik pikinini long Ken-gangi i amamas long soim ol diwai we bai helpim ol bihain taim.
Ol Poto: James Kila

Pipel amamas tru long OKPF rifestesena na konsevesen projek

James Kila i raitim

OL LIKLIK pikinini long Kenangi na Mangiro long Daulo distrik save amamas tru nau long painim ol gutpela masrum bilong kaikai i gro aninit long nupela bus em klini diwai i gro long en.

Sampela ol lapun long ples i stori tu olsem ol i wok long harim naispela na switpela singsing bilong ol wail pisin klostu long bus bilong ol nau. Pastaim dispela ol naispela singsing bilong pisin i no save stap.

Moa long en tu ol pipel i lukim ol mumut na ol narapela wail abus i raun raun na mekim haus aninit long ol diwai na dispela em gutpela tru.

Ol dispela toktok em *Wantok Niuspepa* i bin kisim long ol manmeri bilong Ona na Keto lain wan-pisin o traib insait long Kenangi eria long Daulo distrik, Isten Hailans provins.

Long las wik mi bin go wok raun na stap wantaim ol manmeri long ples Kenangi bihain long wanpela askim i kam long wanpela non-gavman ogeais-esin (NGO) long PNG, Partners With Melanesians wantaim lokal NGO em i wok klostu wantaim Ona Keto Pipols Faundesin (OKPF).

Mi bin stap samting olsem wanpela wik na stori wantaim ol pipel bilong ples long kisim ol tingting bilong ol long wanem rot tru dispela projek i helpim sindaun bilong ol insait long hauslain stat long nau na tu long bihain taim long pikinini na tum-buna bilong ol.

Olgeta lain mi bin intaviu na kisim stori long ol i mekim planti ol gutpela toktok long dispela projek. Ol i tok em i narakain gutpela projek tru bikos, taim komyuniti i plainim diwai, ol bai kisim gutpela helpim long bihain

taim. Diwai bai givim win (oxygen) na tu em bai givim naispela ol helpim long sait long kisim timba na tu ol wail abus na pisin bai kambek na mekim ples i kamap nais tru.

Dispela projek i kisim bikpela luksave tru taim wanpela projek bilong ol i winim Nesinol Eneji Glob Awot. Bikpela Intanesinol Eneji Glob Juri i makim Ona Keto Komyuniti Rifestesin Projek insait long Watabung eria long Daulo distrik long Isten Hailans provins long winim dispela awot bilong yia 2009. Na ol bai kisim awot long yia 2010.

Eksekutiv Dairekta bilong PwM, Kenn Mondiai i bin kisim toksave long go long kisim dispela intanesenel Eneji Awot setifiket long Eneji Glob Nesinol seremoni long Kigali, biktaun bilong kantri Rwanda long Afrika.

Ol bikman na savemen husat save glasim na luksave long wok bilong bus, graun na wara bilong Yunaited Nesins olsem UNEP na gavman bilong Rwanda i bin amamas tru long tokaut na redi long givim awot i go dispela projek long PNG.

Mista Mondiai i toksave long *Wantok Niuspepa* olsem awot ya em inap long givim em long stat long mun Jun, tasol em i bin go long kantri Jemani long bikpela miting bilong Klaimet Senis na i no bin go kisim. Tasol ol lain long UNEP bai salim awot i kam na ating bikpela selebresin na singsing na taim bilong kaikai pik bai kamap long Ona Keto hauslain.

Dispela projek bilong Ona Keto em ol i kolim baiodaivesiti konsevesin na rifestesin projek projek. Projek ya i bin stat long 2003 bihainim tingting bilong Mista Mondiai long helpim ol lain pipel bilong Ona Kipiyufa klen. Bikpela as-tingting blong projek ya em long planim ol yangpela diwai bikos ol pipel long komyuniti i luksave olsem

planti ol diwai na bus long eria bilong ol i kamap kunai gras tasol na dispela i kamapim poret tru taim bikpela ren i kam na graun i ken bruk na kamapim birua.

Bihain long sampela taim narapela klen o haus-lain we i stap klostu ol i kolim ol yet olsem Keto i luksave olsem ol tu i gat wankain hevi na na i Join, na ol i kamapim Ona Keto Pipols Faundesin Inc.

Wantaim helpim bilong PwM, Ona Keto Pipols Faundesin i bin kisim halivim i kam long IUCN Netherlands Ekosistem Grent (IUCN NL ECP) long mun Julai 2009 na ol gohet long mekim ol wok progrem bilong ol wantaim PwM progrem menesa Rufus Mahuru.

Dispela fainensol sapot bilong IUCN NL ECP i bin karimaut planti gutpela wok long ples we i lukim kamap bilong ketsmen risev eria, rifestesin (planti ol nupela diwai long kamapim bus gen) givim trening long ol pipel long wok bilong lukautim bus, graun na wara na tu helpim ol long gutpela tingting long lukautim sindaun na stap bilong ol long bihain taim.

Sampela ol narapela bikpela wok kamap em taim ol i sainim wanpela agrimen (MOU) wantaim PwM na OKPF long mun Ogas 2009 long lonsim projek, kamapim 10-pela viles rifestesin komiti long mun September 2009 na kamapim wanpela bikpela neseri long groim ol yangpela diwai. Nau yet tu 10-pela viles i gat neseri bilong wantaim yangpela diwai i stap long ples.

Narapela gutpela samting i kamap tu i lukim 30 man, meri na ol yut i stap insait long wanpela edukesin aweanes na i mekim lukluk raun i go long ol arapela provins long lukim ol rifestesin projek.

Nau yet moa long 30,000 ol



Viles komyuniti rep bilong Mangiro, Paul Poiya i poin i go long yangpela diwai i gro long Mangiro.

dwai ol i planim na bringim gutpela win na tu bringim bek ol pisin na ol samting bilong bus i kambek gen long ples we pastaim kunai gras i gro. Sampela ol kaikai olsem ol wail frut na tu masrum i gro gen na ol manmeri i amamas tru long kisim na kaikai.

Wantok Niuspepa i bin askim sampela ol lain manmeri husat i stap insait long bod bilong OKPF long wanem tingting bilong ol long projek na planti i amamas tru olsem wok ya bai bringim gutpela halivim tru long bihain taim long ol pikinini.

Ona-Keto komyuniti givim stori

Richard Wapo, husat em i kodineta bilong 4-pela klen insait long Keto i stori olsem ol dispela 4-pela klen husat i kamapim Keto em Nonduku, Lungiku, Iroba na Wapogu.

"Long Wapogu, ol komyuniti i stat planim ol diwai pinis na nau yet mak olsem 7,000 diwai ol i plainim pinis," Richard i tok.

"Long Iropa, komyuniti i planim 5000 diwai, long Non-

duku ol i plainim 450 na Lungiku i planim 500 nupela diwai,

"Intares bilong ol manmeri insait long komyuniti em bikpela tru na ol i yusim save na taim bilong ol yet long gohet long dispela wok stat long Mangiro i kam long Ronu, Foindomo na Yondumo," Richard i tok.

Em i tok tu olsem taim komyuniti i statim dispela wok long planim diwai, ol yet i mekim komyuniti lo bilong ol yet long kamapim aweanes long lukautim gut ol dispela diwai na tu noken kukim bus na bagarapim ol diwai.

"Planti manmeri i wok long soim intares na laik long planim moa diwai yet,"

Martha Sangi, husat em wanpela meri i makim Wagoku klen bilong Mangiro insait long OKPF bod i tokaut olsem dispela projek i gutpela tru bikos diwai nau ol i planim bai helpim ol pikinini long bihainim taim.

Misis Sangi i tok tu olsem bihain long ol i planim diwai ol i lukim planti gutpela senis i kamap long bus na na ples bilong ol.

Moa stori long pes 17

Viles konsevesn rep John Kenori i poin igo long ol diwai i gro gut long sait long maunten long Kenangi.



Pipel amamas tru long OKPF rifestesen na konsevesen projek

I kam long pes 16

"Ples bilong mipela i stap namel long ol maunten long sait sait bilong en na mipela save poret sampela taim nogut graun i bruk na karamapim mipela. Olsem na taim mipela i planim diwai em bai helpim long holim strong graun na tu ol diwai i ken kamap bikpela na ol pikinini na tumbuna bai i ken yusim long bihain taim," Misis Sangi i tok.

Kingsley Roimo bilong Fatau haus-lain long Ona traib i tok olsem planti ol pipel bilong em i gat bikpela intares tru long planim moa diwai long eria bilong ol. Tasol ol bosman bilong OKPF i laikim lukim olsem ol diwai mas go bihainim olgeta haus-lain.

"Aninit long OKPF mipela i kisim planti ol gupela trening long sait bilong raitim projek proposal na narapela ol skul na mipela i amamas,

"Tasol, mipela laik lukim wok bilong planim diwai i mas gohet yet," Kingsley i tok.

Narapela meri insait long OKPF Bod, Barbara Jeffrey i tok olsem taim OKPF i kamap komyuniti i lukim planti gupela senis. Planti pipel i kamap wantaim tingting long bringim bek bus na fores i kambek long givim gupela win na tu helpim long bringim bek pisin na ol samting olsem flaua na mas-rum.

Narapela bod memba bilong OKPF, Moisa Bobby i tok olsem wok i gohet gut tru long eria bilong em na planti ol pipel insait long komyuniti i amamas bikos wanem wok ol i mekim nau i gupela long ol pikinini na tumbuna long bihain taim.

Moisa i tokaut olsem insait long eria bilong em ol i planti moa long 6,900 diwai, tasol ol i kisim narapela 250 diwai gen na i bringim namba igo antap moa long 7,150.

Samuel Fure, husat em siaman bilong Ona Keto praimer skul na wanpela bod memba bilong OKPF i givim bikpela tok

amamas long dispela OKPF projek. Em i tok projek ya i bin givim helpim bilong en i go long nupela skul taim ol i tokaut long putim setela it dis na bringim TV igo long Ona Keto praimer skul.

"Mi amamas long OKPF projek long dispela gupela halivim tru. Ol i tokaut tu long givim wanpela TV skrin i go long helpim skul, dispela em gupela pasin na helpim tru," Mista Fure i tok.

Wantok Niuspepa i bin bungim VRC siaman bilong Mangiro, Noel Kevin wantaim wanpela bikpela grup ol yangpela man long rot long maus-rot igo long Mangiro na olgeta i amamas long givim tingting bilong ol.

Mista Kevin i stori olsem ol yangpela man o yut long Mangiro i soim bikpela intares tru long dispela wok long planim nupela diwai. Em i tok bikpela eria bilong ol i gat planti graun i stap we ol i ken planim moa diwai.

Narapela yut lida David Kande bilong Mangiro i tokaut tu olsem ples bilong ol i stap long baret na ol i nidim tru diwai long gro na givim timba na tu givim gupela win.

Wanpela papa husat save lukautim wanpela neseri haus long Ronu, Samuel Kepandi i tokaut olsem intares namel long ol manmeri long haus-lain i antap tru na planti save go lukim em long kisim ol diwai i go planim. Em i save groim ol diwai olsem klinki pain, paines na huk pain.

Wanpela yangpela man bilong Mangiro, Gideon Bob, husat i givim tingting bilong em long Wantok Niuspepa i tok olsem moabeta Gavman mas kamap wantaim strongpela lo long givim mekim-save long ol lain husat i save kukim bus nating nating.

"Dispela asua bilong ol lain save kukim bus long wokim gaden i mas stop, mipela laikim

bus long gro na mipela les tru long lukim paia i kukim bus na kunai gras long hap bilong mipela," Gideon i tok.

Long makim maus bilong niuspepa mi wok long en, mi laik givim bikpela tok tenkyu igo long PwM Eksekutiv Dairekta, Kenn Mondiai, OKPF Progrem Menesa, Rufus Mahuru, naispela wok-meri bilong PwM, Mana Mare na tu ol wokman long OKPF long Kengangi olsem Nelson Duwabane, fil kodineta Patrick Jack na tu kodineta bilong Keto, Richard Wafo long lukautim mi na soim mi raun long ples long kisim stori.

Tru tumas, mipela wokabaut long-pela rot stat long Kenangi igo olgeta long Mangiro na go insait long bus na kisim ol piksa na stori, tasol em gupela ekpiriens tru na mi amamas long yupela olgeta. "Laikim yupela ol naispla ya"

Samuel Kepandi i soim ol diwai i gro gut tru.



Ol yangpela man bilong Mangiro i amamas tru long wok bilong planim diwai long bus eria bilong ol.



Ol bod memba bilong OKPF i bung.



Ol Ofis wokman bilong OKPF wantaim siaman long lephan.

 Program bilong Wanwan De Mande – Fraide 6am – 10am – Sankamap show – Host: KAS.T 6:15am – Komiiuniti Notis Bod 6:30am – Nius Hetlains / Bondei grittings Trukai Rais - GES FAIA KOMPETISEN 6:45am – Niuspepa Hetlains 7:00am – Major Nius Bulletin – YUMIFM Nius Senta 7:15am – Toktok sapotim LO na JASTIS Sekta 7:30am – Trukai Rais - GES FAIA KOMPETISEN 8:00am – Major Nius Bulletin – YUMIFM Nius Senta 8:15am – Stori b'long Skelim Tingting 8:30am – Trukai Rais - GES FAIA KOMPETISEN 9:00am – Nius Bulletin – YUMIFM Nius Senta 9:15am – Luksave long Komiiuniti (Redio Pilai) 9:30am – Trukai Rais - GES FAIA KOMPETISEN	9:45am – YUMI PAINIM WOK Segment 10:00am – Nius – YUMIFM Nius Senta 10am – 2pm – Monin Trek na Belo Pack – Host: VAVIESSIE 10:10am – Lukatim yu yet – Helt toktok – RH Hyper Mart 10:45am – YUMI PAINIM WOK Segment 11:00am – Nius – YUMIFM Nius Senta 11:10am – Cont'd – Lukauti yu yet – Helt toktok 11:30am – Nius Hetlains b'long Belo Taim 12:00pm – Major Nius Bulletin – YUMIFM Nius Senta 12:10pm – BELO Taim – wantaim sapot b'long TELIKOM 12:15pm – Komiiuniti Notis Bod 12:20pm – BELO Taim – wantaim sapot b'long TELIKOM 1:00pm – Nius – YUMIFM Nius Senta 1:10pm – BELO Taim – wantaim sapot b'long TELIKOM 2:00pm – Major Nius Bulletin – YUMIFM Nius Senta 2pm – 6pm – Avinun Draiv Taim – Host: Enjo Dabix 2:00pm – 4:00pm (Tundei / Fondei) TOKAUT TOKSTRET 2:45pm – YUMI PAINIM WOK Segment 3:00pm – Nius – YUMIFM Nius Senta	3:10pm – Avinun cruz 4:00pm – Nius - YUMIFM Senta 4:10pm – “FOAPELA KAM GUD LONG 4” 4:30pm – Nius Hetlains 4:45pm – YUMI PANIM WOK Segment 5:00pm – MAJOR Nius BULLETIN – YUMIFM Nius Senta 5:10pm – 6:00pm – FLAME KULCHA (1 hr) listeners request 6:00pm – MAJOR Nius BULLETIN – YUMIFM Nius Senta 6 – 7pm – Maggi noodles request aua 6pm – 00am – NAIT BEAT – Host: ANGRA KENNEDY 6:10pm – 7:00pm Mun kamap sho 6:45pm – Komiiuniti Notis Bod 7:00pm – 9:00pm – COCA COLA GARAMUT 9:00pm – 00am - Nait Beat – Isi Cruz long nait 00am – 6am – BRUKIM TULAIT SHOW – Host: Papa Raegs / Sally / Nenge 00:00 – Early Monin Taim Cruz (ol lain brukim tulait shift) - Miusik / Request / Tok pilai - Kipim Kampani long ol nait shift.	<i>Weekend Shift – Saturday & Sunday</i> 6:00am – 11:00am – Wiken Sanrais 6:30am - Komuniti Notis Bod - Bondei grittings 7am – 9am – Wiken Spots 9am – 11am – Monin Raun 11am – 1pm – National Weekly Hit Parade (Host Kas.T) 2pm – 6pm – Sarere Avinun Draiv 6pm – 00am – Nait Beat (Host Angra Kennedy) YUMIFM POROMAN TEAM: Turner (KAS.T) Anifeae – Team Leader / Program Director Angra KENNEDY – Senior Announcer Sinimil (Vaviessie) Philipo – Promotions Co ordinator Papa Raegs – Anouncer Nenge Neings – Announcer Enjo Dabix – Announcer Selestine Sally Sino - Announcer
---	--	---	--

RADIO AUSTRALIA TOK PISIN PROGRAM HARIM LONG: 101.9 FM	
6AM	Stesen Op - Nius Hetlain - Musik na ol intaviu
6.30AM	Nius na Karent Afes
7AM	Stesen Pas
7PM	Stesen Op
7.01PM	Ol Hetlain na Program Priviu
7.15PM	Spots
7.30PM	Nius na Karen Afecas
8PM	Helt
8.15PM	Musik
8.30PM	NIUS
8.40PM	Spots Riplei
8.55PM	Musik
9PM	Stesen Pas
TUNDE - <i>Moning - Nait</i>	
6AM	Stesen Op - Nius Hetlain - Musik na ol intaviu
6.30AM	Nius na Karent Afes
7AM	Stesen Pas
7PM	Stesen Op
7.01PM	Ol Hetlain na Program Priviu
7.15PM	Musik na Chit-Chat
7.30PM	Nius na Karen Afecas
8PM	Mama Graun
8.15PM	Musik/Spots
8.30PM	NIUS
8.40PM	Helt Riplei
8.55PM	Musik
9PM	Stesen Pas
TRINDE - <i>Moning - Nait</i>	
6AM	Stesen Op - Nius Hetlain - Musik na ol intaviu
6.30AM	Nius na Karent Afes
7AM	Stesen Pas
7PM	Stesen Op
7.01PM	Ol Hetlain na Program Priviu
7.15PM	Musik na Chit-Chat
7.30PM	Nius na Karen Afecas
8PM	Focus
8.15PM	Musik/Spots
8.30PM	NIUS
8.40PM	Mama Graun Riplei
8.55PM	Musik
9PM	Stesen Pas
FONDE - <i>Moning - Nait</i>	
6AM	Stesen Op - Nius Hetlain - Musik na ol intaviu
6.30AM	Nius na Karent Afes
7AM	Stesen Pas
7PM	Stesen Op
7.01PM	Ol Hetlain na Program Priviu
7.15PM	Musik na Chit-Chat
7.30PM	Nius na Karen Afecas
8PM	Youth
8.15PM	Musik/Spots
8.30PM	NIUS
8.40PM	Focus Riplei
8.55PM	Musik
9PM	Stesen Pas
FRAIDE - <i>Moning - Nait</i>	
6AM	Stesen Op - Nius Hetlain - Musik na ol intaviu
6.30AM	Nius na Karent Afes
7AM	Stesen Pas
7PM	Stesen Op
7.01PM	Ol Hetlain na Program Priviu
7.15PM	Musik na Chit-Chat
7.30PM	Nius na Karen Afecas
8PM	Wantok
8.15PM	Musik
8.30PM	NIUS
8.40PM	Youth Riplei
8.55PM	Musik
9PM	Stesen Pas
SARERE - <i>Nait</i>	
7PM	Stesen op - Ol Nius Hetlain/Program Priviu
7.05PM	Musik na Chit Chat
7.30PM	Nius
7.40PM	Wantok
8PM	Lokal Ben
8.30PM	Nius
8.40PM	Musik/Chit Chat
9PM	Stesen Pas
SANDE - <i>Nait</i>	
7PM	Stesen op - Ol Nius Hetlain/Program Priviu
7.05PM	Musik na Chit Chat
7.30PM	Nius
7.40PM	Femil Blong Serah (Radio Plei)
8PM	Lukluk Bek Long Wkik
8.30PM	Nius
8.40PM	Musik/Chit Chat
9PM	Stesen Pas

Raum

Ex-Tension gives

Nicky Bernard i raitim

BIKNEM Ben bilong Mosbi, Ex-Tension i mekim ol lain long PNG Pawa i no inap long lusting long bung bilong ol long Fraide wik i go pinis.

Ex-Tension em bikipela ben bilong Mosbi, na i save lainim ol yangpela manmeri long singsing na tu pilai long samting bilong mekim musik. Ol tu i gat studio bilong ol yet long mekim musik bilong ol yet.

PNG Pawa i kisim ol long pilai long wangepela klos ap pati bilong bikipela bung bilong ol we ol i mekim long Mosbi.



National Weekly Hit Parade:

Sponsor: Digicel – bigger, better network

Produced & Host by: Kias.T
 Statistics: Tahaigu Sophie & Poromatin Crew

Week Ending: Saturday – 17th July 2010

Week Before	Last Week	This Week	Charting Song:	Artist:
1	1	1(8)	Obama	Reggie
2	2	2	First Time	Lunne fruits
3	7	3	Hesa Mama	Jokers 21
4	5	4	Digicel Flyya	Test Run Band
10	12	5	Ride	Sharzy ft Delah
5	3	6	Gal e'thni gal mere	Coni C
8	4	7	Gutsani	Chris Stone ft Nathan Nakikwa
6	8	10(5)	Lewa	Chris Stone ft Nathan Nakikwa
9	9	9(5)	Lewe Muri	Blissie
10	10	10(5)	Marubean Girl	DJ AAR
7	11	11	Meri Taika	Kesema
13	13	12	Hunta lafugu hekoni	Pometia of Gullala
9	14	13	Nauku	Reggie
15	15	14	Dia Nauu	Sesahadani
20	16	15	Mix Enga Province	Choke Band
4	6	16	Nu Solon	BMP ft O.n.e.t.a.x
17	17	17	Reggae Musik	Junior Toki
12	18	18	Simple Raiwat	Raiwat
0	0	19	Firelight	Pyjamas Band
18	20	20	Body	Mixan
	Song In:		Firelight	Pyjamas Band
	Song Out:		Sepou Muv	Jahgy

wantaim Wantok kru...

im moa lait long PNG Pawa

Planti bilong ol lain i kam long Pasifik na ol rapela kantri i bin wanbel stret long musik long ol, olgeta singsing bilong ol taim ol ngim, danis ples i save pulap long ol manmeri husat i kam long ovasis.

Ex-Tension ben i gat ol biknem musik save ai wantaim ol bipo, tasol famili em bikipela mting olsem na sampela biknem musik anmeri i bin lusim ol.

Bernhard Schlischting em papa bilong ben Ex-Tension na tu olupela musik man, husat tu taim Sirosis ben bilong Bogenvil, i kisim olupela manmeri long holim dispela ben.

Nau ol yangpela stap long ben na save mekim ol manmeri i no save sanap gut long anis ples, em papa bilong ben Bernhard Schlischting long Bes gita, David Hakalitz

long dram, Frank Tamaru long keyboard, Flora Suve, Julieta Asi, Vivian Asi save singsing na Charles Asugum save singsing na DJ, Willie Babaga save lukautim olgeta musik saun bilong ol.

Sapos yu laik bukim ol long pilai long pati bilong yu, yu ken ringim Bernhard long CE Hardware na bai em i helpim yu.



BIKPELA BEN: Ex-Tension em wanpela bikipela ben long Mosbi, ol i mekim nem yet long ol pati na bung long siti. Poto i soim ol i prektis long studio bilong ol. (Antap na insait) Drama bilong Ex-Tension ben, David Hakalitz na Kibod em Frank Tamaru. *Poto Nicky Bernard*

EMTV Television Guide

<u>FONDE, 15 JULAI 2010</u>		9.00PM PG CUSTOMS	6.30PM G A CURRENT AFFAIR	8.00PM PG TRI-NATIONS RUGBY	7.00PM PG SEND IN THE DOGS
		9.30PM M FOOTY SHOW	7.00PM G IN MORESBY TONIGHT	<i>ALL BLACKS v SPRINGBOKS</i>	7.30PM G 60 MINUTES
		11.00PM G NATIONAL EMTV NEWS REPLAY	7.27PM EMTV TOK SAVE	<i>Venue: Westpac Stadium, Wellington</i>	8.30PM M SUNDAY NIGHT MOVIE:
4.59AM STATION OPEN			7.30PM G FRIDAY NIGHT FOOTBALL	10.00PM PG BROTHERS & SISTERS	<i>BLADES OF GLORY - (2007) Comedy/Sport - Kick some Ice ! In 2002, two rival Olympic ice skaters were stripped of their gold medals and permanently banned from men's single competition.</i>
5.00AM G JOYCE MEYER Religious program	11.30PM Australia Network		ROOSTERS v RABBITOHS	11.00PM PG ELITE MUSIC ZONE	<i>Stars: Will Ferrell, Jon Heder</i>
5.30AM G TODAY	<u>FRAIDE, 16 JULAI 2010</u>		9.30PM G FRIDAY NIGHT LATE FOOTBALL WESTS TIGERS v TITANS	11.30PM G NATIONAL EMTV NEWS REPLAY	**PREMIERE**
9.00AM G MALOLO CLUB			11.30PM G NATIONAL EMTV NEWS REPLAY	12.00AM Australia Network	
11.00AM EMTV PRIME TIME LINEUP	4.59AM STATION OPEN			<u>SANDE, 18 JULAI 2010</u>	10.30PM G HILLSONG
KIDS KONA	5.00AM G JOYCE MEYER	12.00PM Australia Network			11.00PM G NATIONAL EMTV NEWS REPLAY
3.00PM G MAGICAL TALES	5.30AM G TODAY		<u>SARERE, 17 JULY 2010</u>	6.29AM STATION OPEN	11.30PM Australia Network
3.30PM G THE KINGDOM OF PARAMITHI	9.00AM G MALOLO CLUB			6.30AM G IT IS WRITTEN:	
	11.00AM EMTV PRIME TIME LINEUP			7.00AM G HILLSONG	
4.00PM G PARALLAX	KIDS KONA	11.59PM STATION OPEN		7.30AM Australia Network	<u>MANDE JULAI 19, 2010</u>
4.30PM G THE SHAK	3.00PM G G2G: GOT TO GO	12.00PM G THE SHAK		10.00AM G WIDE WORLD OF SPORTS	
4.57PM G EMTV TOK SAVE	3.30PM G THE KINGDOM OF PARAMITHI	12.30PM G DISCOVER DOWNUNDER		11.00AM G SUNDAY FOOTY SHOW	4.59AM STATION OPEN
5.00PM G HOT SOURCE	4.00PM G PARALLAX	1.30PM G THE GARDEN GURU		12.00PM G SUNDAY ROAST	5.00AM G JOYCE MEYER Religious program
5.29PM G EMTV NEWS UPDATE	4.30PM G THE SHAK	2.00PM G SUPER LEAGUE		1.00PM PG WWE AFTERBURN	
5.30PM G WHO WANTS TO BE A MILLIONAIRE - HOT SEAT	4.57PM G EMTV TOK SAVE	4.00PM PG CUSTOMS		2.00PM G SUPER LEAGUE	5.30AM G TODAY
	5.00PM G HOT SOURCE	4.30PM PG SEND IN THE DOGS		<i>All the action of the Super League competition from the UK.</i>	9.00AM EMTV PRIME TIME LINEUP
6.00PM G NATIONAL EMTV NEWS	5.29PM G EMTV NEWS UPDATE	5.00PM PG RED BULL AIR RACE		ROOSTERS v BULLDOGS	<u>CLASSROOM BROADCAST</u>
6.30PM G A CURRENT AFFAIR	5.30PM G WHO WANTS TO BE A MILLIONAIRE - HOT SEAT	5.30PM G MXTV		6.00PM G NATIONAL EMTV NEWS	9.20am - Grade 7 Mathematics
7.00PM G SPORTS SCENE	5.55PM CRIME STOPPERS	6.00PM G NATIONAL EMTV NEWS		6.30PM G LOVE PATROL	10.10am - Grade 7 Science
7.27PM EMTV TOK SAVE	6.00PM G NATIONAL EMTV NEWS	6.30PM PG AUSTRALIA'S FUNNIEST HOME VIDEO SHOW			11.00am - Grade 8 Mathematics
7.30PM G RAIT MUSIK		7.30PM G IN MORESBY TONIGHT			
8.30PM PG ELITE MUSIC ZONE					

TORO



BIABIA



KANAGE



TOKWIN

Das karamapim Goroka

Ol strit bilong Goroka taun i pulap tru long das na planti lain i wok long pulim win nogut na kos. Taim bilong bikpela san na das pulap bikos nogat kolta long ol strit rot long Goroka. Ol lida bilong provins mas lukim na sore long ol pipel long wokim gut rot na putim kolta long stopim das. Dispela sotpela kolta rot long Wes Goroka igo long NSI em sait bilong em tu das i wok long kirap na givim het-pen long ol manmeri.

Mosbi eapot sekuriti askim long koins bilong simuk-buai

Sampela sekuriti long Mosbi Intanesinol Ples-balus i save giaman long holim ol pasindia na tokim ol olsem ol i painimaut buai insait long beg bilong ol, tasol ol pasindia i ken karim hait tasol igo. Tasol ol sekuriti ya save kirap gen na askim long koins bilong buai na simuk. Wanem kain pasin tru ya?

Raskol pasin long Lae bikpela tru

Lae ino wanpela seif ples long stap na wokabaut raun. Ol stil-man na ol

lain bilong pik-poket i pulap tru. Ol lida na Gavana na MP bilong Morobe mas mekim wanpela samting long rausim dispela ol rabis pipia pasin. Ol manmeri ino filim seif long raun long dispela ples.

Stil pasin long Goroka PMV stop

Sapos yu nupela man o meri long Goroka na i laik kisim PMV na go long Kundiawa na Mt Hagen, yu mas putim was gut. Dispela bas stop na i pulap long ol pik-poket man i giaman salim buai long sait na stil long ol lain husat laik kamap long bas.

Tokwin tasol...

R	A	G	B	I	L	I	G	J	I	L	O	P	Y	U	O	V
A	R	T	I	B	G	N	I	D	L	I	B	I	D	O	B	O
N	E	R	N	A	U	I	O	R	V	N	E	S	T	I	L	L
I	N	J	I	S	A	S	I	N	E	T	L	O	B	E	T	I
N	O	W	E	K	K	R	E	M	I	O	K	L	P	E	S	B
G	D	A	O	E	P	I	Y	F	I	O	P	N	O	G	A	O
A	N	T	A	T	E	N	K	L	I	N	I	M	P	E	N	L
G	O	L	F	B	E	G	O	B	A	N	I	S	O	T	I	S
N	W	L	O	O	K	N	O	I	O	R	G	A	R	A	P	K
E	K	I	L	L	O	I	N	U	N	K	K	E	K	R	S	I
L	E	N	T	E	M	T	A	I	M	U	S	T	U	A	L	T
O	A	R	E	S	G	F	O	I	N	N	Y	I	T	K	O	E
B	T	A	L	N	E	I	P	S	O	R	I	I	N	A	I	L
T	R	A	I	J	E	L	S	O	R	T	B	O	B	G	N	T
E	A	T	S	U	V	T	E	T	A	G	A	S	R	G	E	A
N	U	S	I	D	L	E	S	K	A	R	S	S	O	K	A	R
S	O	F	B	O	L	W	I	R	E	D	H	O	K	I	L	R

Painim ol nem bilong ol spot bilong yumi PNG:

RAGBI LIG	RAGBI UNION	RAGBI TAS	SOKA
SOFBOL	NETBOL	VOLIBOL	WETLIFTING
BODI BILDING	ATLETIKS	GOLF	DATS
SNUKA	SUTING	TEBOL TENIS	SEFING
RANING	HOKI	BASKETBOL	KIKBOKSING
KARATE	TAEKWONDO	JUDO	

7	8	4		9					
				5		8	2	9	
5	2			4	6				8
	7			2					6
2	1							3	9
4				3				2	
6				1	2			4	5
	4	1	8		7				
				4			9	7	1

6	4	5	8	1	9	2	7	3	
8	1	7	2	6	3	4	9	5	
9	2	3	4	7	5	6	1	8	
7	6	4	5	2	1	8	3	9	
2	5	9	3	4	8	1	6	7	
3	8	1	6	9	7	5	4	2	
5	9	6	7	8	4	3	2	1	
4	7	8	1	3	2	9	5	6	
1	3	2	9	5	6	7	8	4	

Ansa bilong las wik Sudoku

Ansa bilong las wik Pasol

A	B	R	U	S	I	M	M	A	K	I	S					K
										N	I	S	I	L	L	O
W	O	K	P	A	S	I	N	A		L	N	I	R			
I					I	M	O	A	A	D	A					
S					T	S	P	M	W	A	P					
N					I			M	O							
E			R	L		I	K	M	A							
L	B	T	G		T	L	F	B	U	S	N					
E	A	O			B	U	A				S					
B	P	K			A	S	F	R	O	D	S	K	E	W	A	T
A	S	P			P	T	I			S						
L	N	I			N	I					M	A	M	A	L	O
E	A	S			U	L				A						
P	R	A			A	M				N						
T	T	D			K	A				I	N	A	M	T	I	A
U	G	I	A	M	A	N										
G	L									E	V	A	S	M	I	E

EMTV Television Guide

11.50am - Grade 8 Science	clubs across Europe.	4.57PM G EMTV TOK SAVE	9.20am - Grade 7 Mathematics	years of Beckham and his family have not
12.40pm - Grade 6 Mathematics	10.00PM PG 20 TO 1: Hit The Road	5.00PM G HOT SOURCE	10.10am - Grade 7 Science	left the podium. Join us as we find out
1.30pm - Grade 6 Science	11.00PM G NATIONAL EMTV NEWS	5.29PM G EMTV NEWS UPDATE	Grade 8 Mathematics	how "Becks" has managed to hold his
2.30PM - DEPI Training	REPLAY	5.30PM G WHO WANTS TO BE A	11.50am - Grade 8 Science	grip on fame and fortune in Stamina.
KIDS KONA	11.30PM Australia	MILLIONAIRE - HOT SEAT	12.40pm - Grade 6 Mathematics	7.57PM EMTV TOK SAVE
3.00PM G MAGICAL TALES		NATIONAL EMTV NEWS	1.30pm - Grade 6 Science	8.00PM M 24
3.30PM G HI-5		WIGAN v WARRINGTON - A knockout	2.30PM - DEPI Training	Kiefer Sutherland stars in this Emmy
4.00PM G THE PYRAMID		competition for Rugby League clubs	KIDS KONA	Award-winning drama in which the entire
4.30PM G THE SHAK		across Europe	3.00PM G MAGICAL TALES	season takes place in one day, with each
4.57PM G EMTV TOK SAVE		10.00PM PG 20 TO 1: TV Couples	3.30PM G HI-5	of the 24 pulse-pounding episodes cover-
5.00PM G HOT SOURCE		11.00PM G EMTV NEWS REPLAY	4.00PM G THE PYRAMID	ing one hour and presented in real time.
5.29PM G EMTV NEWS UPDATE		11.30PM Australia Network	4.30PM G THE SHAK	9.00PM M WEDNESDAY NIGHT
5.30PM G WHO WANTS TO BE A			4.57PM G EMTV TOK SAVE	MOVIE: UNHOOK THE STARS
MILLIONAIRE - HOT SEAT			5.00PM G HOT SOURCE	(1996) Drama/Romance - Mildred, an eld-
CRIME STOPPERS			5.29PM G EMTV NEWS UPDATE	erly woman has spent her life caring for
6.00PM G NATIONAL EMTV NEWS			5.30PM G WHO WANTS TO BE A	others. When her daughter finally leaves
A CURRENT AFFAIR			MILLIONAIRE - HOT SEAT	him, she finds that , for the first time in her
7.00PM G TOK PIKSA			CRIME STOPPERS	life, she has nobody to worry about - but
7.27PM EMTV TOK SAVE			6.00PM G NATIONAL EMTV NEWS	soon becomes involved in the life of Mon-
7.30PM PG SURVIVOR:			6.30PM G A CURRENT AFFAIR	ica, a young mother whose husband has
HEROES vs. VILLAINS			7.00PM G THE WORLD AROUND US	left her to look after her young son J.J. As
KINGAL MINISTRIES			DAVID BECKHAM: "Stamina" - By 2007,	the relationship blossoms, Monica teach-
Religious program			David Beckham had conquered the world.	ers Mildred that there is more to life than
8.30PM G SUPER LEAGUE			He was one of the all-time greatest foot-	taking care of others.
HULL FC v HULL - Highlights of the			ballers, one of the most famous men in the	Stars: Gena Rowlands, Marisa Tomei.
knockout competition for Rugby League			world, and one of the wealthiest. Two	11.00PM G NATIONAL EMTV

Raun wantaim Kanage olgeta wik

Kanage lainim poro long draiv

KANAGE wantaim poro bilong em i draivim liklik Suzuki ka bilong Kanage na raun stap. Poro bilong Kanage laik lendraiv na em i kisim kar long poro. Tupela ron i go long rot na poro draiv na mekimsave long spit stret.

Sem taim long rot ol raun win i kam raunim raunim rot na wokim smuk long das i go antap.

Taim tupela i kam aut long kona stret, poro kirap nogut em i ting wanpela kar mas go pas.

Poro holim ful brek na het bilong Kanage go pas long winskrin bilong kar wokim traipela pairap.

WALLI ANIS
WHP

Kanage baim 40t tasol

KANAGE kalap long Waigani na laik go long Manu maket. Em i kalap long bas na boskru i askim long basfe. Kanage holim tasol 40t.

Em i givim na nogat toktok em i sindaun tasol. Boskru i askim em bai go daun long we. Em i no bekim.

Boskru tok orait em bai 4 mail.

Ol i kam long 4 mail na boskru stopim bas na tokim Kanage long go daun. Kanage kirap na tok, oi...yu toktok long husat ah?? Boskru kirap na tok, "Toktok maski kalap go daun. 40t tasol yu baim."

Kanage kirap na tok, oi be kava o (yu long long o) mi baim 80t na yu laik sasim mi haumas?

Tupla stat kros nau na ol man long bas sapot olsem Kanage givim 80t. Draiva tupela boskru nogat moa toktok. Kanage sindaun tasol na kalap go daun long Manu long 40t tasol.



Loli kas gem

KANAGE wantaim ol liklik ol lain i wok long pilai kas i stap long loli. Kanage baim wanpla loli tasol na em i tokim ol liklik long ol bai pilai long winim loli tasol.

Kain bilong Kanage, em i wok long gi-anim ol liklik ol mangi na winim olgeta loli bilong ol.

Gem pinis nau na Kanage kirap tokim ol, orait olgeta loli blo yupla pinis nau mi go.

Samting tru em i kirap na tekov.

Long avinun, ol mangi lukim Kanage sidaun long maket salim sampla samting. Ol i kam klostu na lukim Kanage salim ol loli em i winim long ol.

Olgeta kirap na tok, "Aiya, sem pipia man. Em painim mani bilong smuk na kam salim ol loli bilong mipla." Ol i kirap na kikim tebol bilong Kanage na tekov i go.

Ples Balus stap we?

KANAGE em bilong ples Binadere long Popondetta. Wanpela taim tupela meri blong em go raun long gaden na ol i kam bek.

Taim tupela i kam long rot, meri bilong em kirap na tok, "Ayo plis mi gat wanpela buai tasol nogat daka ya, husat bai klaimim Kapiak diwai na kisim daka bilong mi?"

Kanage tok "bai mi go nox bisi, em liklik samting."

Em nau kanage i go antap long

diwai na meri bilong em sanap long as bilong diwai i stap. Kanage i go sanap long wanpela han bilong diwai na i wok long pikim daka.

Em nau meri bilong em i tromoi ai i go antap na kirap nogut bikos trauses bilong Kanage i bruk na kamap olsem sket. Meri bilong em kirap na tok olsem, man dispela balus ya laik putim taiya bilong em long wanem hap na em kam, nogat ples balus ya.

Kanage bekim tok bilong meri bilong em na tok, "em nau i gat wanpela save pes, ol i kolim olsem em ples balus ya, yu save o em ya, dispela ples balus i gat liklik kunai i stap long hap sait.

"Olsem na em laik putim taiya bilong em long hap na em kam."

Meri bilong Kanage kirap na tok olsem, "Sapos papagraun i tok orait em bai yu putim dispela taiya bilong yu, nogat em bai nogat olgeta. Maski yu klia." Na Kanage bekim tok "Awara Tasol!"

Jane Mong

Koinambe, Mt. Hagen

Ol skwat!

Salim ol gutpela Kanage tok pilai i kam long:
Kanage Tok Pilai
P.O. Box 1982,
Boroko, NCD
Port Moresby.
Email:
atolire@wantok.com.pg



NEM: Emmanuel Tifa

KRISMAS: 17 (man)

ADRES: Bema High School, Private Mail Bag, Lae, Morobe province

SAVE LAIKIM: Harim musik, pilai soka, stori, go lotu na ritim buk.

NEM: Andrew Banakato

KRISMAS: 17 (Man)

ADRES: Bema High School, Private Mail Bag, Lae, Morobe province

SAVE LAIKIM: Pilai ragbi, stori, mekim pani, ritim buk, raitim pas, pilai gita, harim musik na go lotu.

NEM: John Jons

KRISMAS: 18 (man)

ADRES: Bema High School, Private Mail Bag, Lae, Morobe province

SAVE LAIKIM: Pilai musik, soka, volibol, serim ol samting, go lotu na pilai spot.

NEM: Thomas Kuni

KRISMAS: 18 (man)

ADRES: Bema High School, Private Mail Bag, Lae, Morobe province

SAVE LAIKIM: Pilai spot, pilai musik, harim musik na go lotu

NEM: Peter Moran

KRISMAS: 24 (man)

ADRES: P.O Box 541, Kimbe, West New Britain Province.

SAVE LAIKIM: Pilai soka, volibol, na basketbol, lukim TV, danis na wokim gaden, ritim buk na mekim pani

NEM: Irami Peter

KRISMAS: 19 (Man)

ADRES: Mora Mora Technical School, PO Box 23, Hoskins, West New Britain Province.

SAVE LAIKIM: Pilai spot, raitim pas, mekim pren na harim musik

NEM: Kate Peter

KRISMAS: 20 (meri)

ADRES: Mora Mora Technical School, PO Box 23, Hoskins, West New Britain Province.

SAVE LAIKIM: Harim musik, pilai gita, mekim pani na raitim pas na go lotu

NEM: Rita Ande

KRISMAS: 19 (meri)

ADRES: Integrated School, P.O Box 907, Kimbe, West New Britain Province.

SAVE LAIKIM: Kukim kaikai, pilai spot, harim musik, raitim pas, mekim pren, na go skul

NEM: Lowi Imias

KRISMAS: 22 (man)

ADRES: C/- P.O Box 96, Wau, Morobe Province

SAVE LAIKIM: Mekim pren, mekim pani, stori na raitim pas

NEM: George Luguni

KRISMAS: 22 (man)

ADRES: P.O Box 33, Mendi, Southern Highlands Province

SAVE LAIKIM: Pilai ragbi, basketbol, soka na voli-bol, stori, pilai gita na go lotu

Mi raun wantaim wanpela marit man

Dia Laiplain,

MI painimaut olsem man mi raun wantaim i gat meri. Na mi no bilip long lav bilong ol man husat i marit pinis.

Tasol mi gat bikipela laik long em na mi laikim bai mitupela i serim laip wantaim. Yu ting olsem wanem? Em orait long mi raun wantaim man ya o mi tokim em long lusim mi.

Confused

Dia Pren,

Yu gat bikipela laik pasin long wanpela man husat i marit pinis long meri we i gat wankain pil-ing olsem yu.



Mipela i luksave long ol manmeri husat i save painim isi long gat laik pasin long narapela na long ol manmeri i save painim hat tru long lusim ol.

Mipela i laikim olsem yu mas lukluk long dispela na skelim gut pastaim, nogut yu gat bel we yu no laikim pikinini long en sapos em i tru olsem dispela man em i stap pas wantaim meri na famili bi-

long em.

Yu mas save olsem sapos yu gat wanpela pikinini i nogat papa, bai yu bungim bikipela hevi sapos yu nogat gutpela wok na haus long lukautim pikinini bilong yu.

I gat planti man husat i gat wankain krismas olsem yu we yu ken poro-manim na bihain taim, i ken maritim yu na karim ol pikinini olsem blesing God papa i givim.

Em bai gutpela sapos yu na pren bilong yu wantaim meri bilong em i mas lus tingting long dispela pren pasin na yu helpim dispela man long stap gut wantaim meri bilong em na lukautim em.

Serim dispela wantaim wanpela famili man o meri husat yu ting olsem yu ken trastim o askim pasto long givim yu ol gutpela stiatok na tu, pre long yu.

Tenkyu tru,
Mi Laiplain

Sapos yu gat wari, rait i kam long Lifeline, P O Box 6047, Boroko, NCD. Telipon:3260011. Raitim trupela nem na etres bilong yu na bai mipela i ken salim bekim long pas bilong yu. Bai mipela i no inap putim trupela nem bilong yu long stori.

Laiplain

Petromin pasim tok wantaim poroman kampani long divelopim ges

NESENAL wel, ges na mineral kampani bilong Papua Niugini, Petromin Holdings Limited, long Tunde dispela wik i pasim tok wantaim ol kampani bilong nara-pela kantri long kamapim ol nupela wok.

Em i sainim wanpela tok orait pepa wantaim DSME E&R (ENR) em han kampani bilong Daewoo Siping na Merin Engineering bilong Saut Korea na Hoegh LNG bilong Norway (HLNG).

Dispela em long divelopim wel na ges risoses bilong kantri na dispela tok orait pepa em ol i kolim Koporetiv Developmen Agriment (CDA).

Tupela kampani i save mekim wok long siping na prosesing indastri i gat inap save long mekim wok long LNG FPSO teknoloji.

Wantaim dispela tupela kampani em ol i sainim pepa tu wantaim tupela arapela kampani.

Dispela em long mekim wok painim i go insait long LNG Flotting Prodaksen Storedj na Ovlodding (FPSO) teknoloji long kantri.



MEKIM WOK: (l-r) Sif Eksekutiv Opisa DSME E&R Jin Seok Kim, Petromin Menesing Dairekta Joshua Kalinoe na Bod bilong Dairekta bilong Hoegh LNG Andrew Jamieson i sainim tok orait pepa long Mosbi.

Long taim bilong sainim dispela pepa ol hetmen o mausman bilong tripela kampani Sif Eksekutiv Opisa DSME E&R Jin Seok Kim, Petromin Menesing Dairekta Joshua Kalinoe na Bod bilong Dairekta bilong Hoegh LNG Andrew Jamieson i tok CDA

i kamapim wokbung we dispela bai lukim ol i karimaut ol stadi o wok painim long save sapos i gat teknikal na ekonomik risos taim ol i yusim LNG FPSO teknoloji long divelopim ges risos bilong kantri.

"Mipela i tok orait long go insait

long Koporetiv Developmen Agrimen long tude (Tunde 13 Julai) long kamapim nupela teknoloji long Papua Niugini.

"Mipela i statim ekonomik na teknikal fisibiliti stadi long mekim wok resis wantaim ol arapela kampani husat i mekim di-

velopim ges long Galp bilong Papua na dispela i kisim tu Elk na Antelope LNG projek," ol i tok.

HLNG na DSME i mekim kain wok long planti yia na olsem tupela i gat save long mekim divelopim LNG FPSO teknoloji.

Dispela prosesing sip em ol i bai mekim long DSME sip yad long Saut Korea na bihain long dispela namba wan ges ol i hop long salim em long 2014. Em sapos ol i mekim fainol invesmen disisen long 31 Disemba, 2010.

Prosesing fesiliti we inap long kamapim tri (3) million tan bilong LNG long wanpela yia bai stap long Galp bilong Papua long Galp Provins.

Long taim bilong konstraksen, bai gat sans bilong planti wok i kamap tasol long stat em i gat 300 manmeri.

Ol kampani bai mekim wok long LNG FPSO fesiliti aninit long lidasip bilong HLNG na ENR.

Papua Niugini manmeri bai mekim dispela ol wok bihain long ol i kisim trening na save.



LAIK HELPM: Memba bilong Australia Meri long Agrikalsa grup i bung wantaim Memba bilong Markham, Koni Ingua na Maria Linibi long Mutzing stesin long wokabaut bilong ol long 2007.

PNG meri kisim askim long go long Australia

Seniort Anzu (NARI) i raitim

OL RUREL meri fama long Papua Niugini i kisim wanpela askim long Australia Agrikalsa Meri grup long go long Australia long dispela Septemba.

Dispela em bilong ol long lukim ol wok em ol meri Australia i mekim long fam bilong ol.

Presiden bilong PNG Meri long Agrikalsa Developmen Faundes (PNGWiADF), Maria Linibi i askim olgeta rejista memba long faundes bilong em long redi long dispela wokabaut.

Em i tok i gat planti samting ol meri inap long lukim, lainim na save long Agrikalsa meri grup long Australia (AWiA).

Mis Linibi i tok AWiA i askim ol memba bilong PNGWiADF long go long dispela bung bikos ol i laikim PNG grup i save long ol samting ol i mekim.

AWiA i wok bung wantaim Meri Indastri Netwok Sifud Komyuniti we ol i plen long holim kibung long 10 i go long 12 Septemba, Darwin long Australia.

Ol ogenaia i tok dispela tripela-de kibung bai lukluk long skruim na sapotim tingting na wok bilong ol rurel meri husat i mekim wok bilong agrikalsa, forestri na piseri.

Insait long dispela bung bai gat so bilong ol prut, diwai, pukpuk na barramandi, Tailen maket samting, ol kau, pis maket na wok bilong ol asples lain olsem abrojinel na ol samting bilong agrikalsa.

Ol lain manmeri husat i kamap long dispela bung bai kisim ol trening, woksop, kibung, sait tua na ol arapela samting.

Husat meri i laik kamap i mas ringim Mis Linibi long dispela telepon namba 727 65000 o long imel edres maria.linibi@nari.org.pg o long Roselyn Winston long telepon namba 72867431 o long email edres Roselyn.winstong@nari.

PNG LNG projek givim taunam long pait agensim malaria

ESSO Hailans Limited (EHL), kampani we i go pas long Papua Niugini Likwifait Netseral Ges projek i stat long givim sapot bilong wok bilong pait agensim sik malaria.

Em i mekim olsem taim em i givim i go aut ol taunam we i gat marasin long pait agensim natnat long ol ples long Sauten Hailans, Galp, Westen na Sentral Provins.

EHL i kam insait long sapotim wok bilong Rotarians Agens Malaria (RAM), grup we i go pas long dispela program.

RAM i statim dispela wok sam-pela yia i go pinis na i kamap wantaim 5-yia plen long karimaut dispela program.

Dispela program i go wantaim Nesenel Malaria Kontrol Program bilong Dipatmen bilong Helt.

Ol wok i stat long ol ples klostu long PNG LNG Plent Sait notwes long Mosbi long 18 Me, 2010.

Las wik i lukim EHL i skruim dispela program long Galp provins.

Long narapela ol de, EHL bai redim wanpela helikopta long karim 1,200 taunam i go long Ne-



PAITIM MALARIA: EHL na RAM wokman i tromoi ol beg taunam i go long Helikopta long Kikori ples balus, Galp provins.

gabare, Omo na Haia.

Dispela ol ples i stap klostu long boda bilong Simbu na Morobe Provins.

Long dispela ol ples Rotariens Agensim Malaria grup bai skelim dispela ol taunam long wan wan ol famili.

Wantaim dispela ol bai karim ol taunam i go long ol arapela ples i stap long dispela ol hap.

Menesing Dairekta bilong EHL Peter Graham i tok kain wok kampani i mekim i bilong skruim plen em kampani i gat long givim sapot long ol lokol komyuniti.

"EHL i amamas long givim dispela sapot.

"Em i isi long abrusim malaria sapos ol manmeri i bihainim ol toktok em ol opisa bilong helt i givim long ol.

"Dispela ol samting em long ol helt woka i pamim marasin o yusim ol taunam we i gat marasin bilong kilim ol natnat.

"Dispela em ol gutpela rot bilong pait agensim sik na long sevim laip," Mista Graham i tok.

Em i tok moa olsem ExxonMobil i mekim kain wok olsem long planti ol arapela kantri tu.



GUTPELA PRAIS:
Richard Wapo bilong
ples Ronu long Daulo
distrik i amamas long
pikim mau seri long
kopi gaden bilong em.
Poto: James Kila

Ol fama amamas taim kopi prais go antap

James Kila i raitim

**PRAIS bilong kopi i go antap na
ol manmeri i kapsait stret olsem
anis long ol taun olsem Goroka,
Kainantu, Kundiawa, Minj, Banz**

na Hagen long salim ol drai kopi bilong ol.

Yes, kopi save muvim stret lokal ekonomi bilong
planti ol Hailans taun, olsem na taim bilong kopi
sisen bisnis save bikpela tru na planti ol manmeri
long ol rurel ples save pulim lain i go long taun
long salim kopi bilong ol na baim ol samting long
stua na mani save ron stret.

Long las wik rot-sait kopi baiya long Goroka
taun i baim drai o pasmen kopi long K5.10 long
wan wan kilogram. Dispela em gutpela prais tru
long ol smolholda fama na ol i pulim lain na kap-
sait stret i go long Goroka long salim kopi bilong
ol.

Goroka taun tu i pulap tru na wankain samting
i kamap long Kainantu, Kundiawa, Banz, Minj, Mt
Hagen na ol senta we kopi save sapotim tru
ekonomi bilong ol liklik manmeri long ples.

Wantok Niuspepa i lukim stret amamas bilong
ol fama long ol ples insait long Isten Hailans na
Simbu, we ol fama i amamas long go salim kopi
bilong ol long kisim mani.

Long ol rot-sait long Goroka taun, ol manmeri i
pulap tru na ol kopi beg i lain long rot stret bikos
prais i gutpela na ol fama i amamas long salim
kopi bilong ol long kisim gutpela mani.

Ripot Wantok Niuspepa i kisim long Kopi Indas-
tri Koporesin (CIC) i tokaut olsem prais bilong kopi
i go antap 20-pesen (20%) insait long pinis bilong
las mun na dispela prais i surik i kam tu long mun
Julai.

Sif Eksekutiv Ofisa bilong CIC, Navi Anis, i
tokaut olsem prais bilong kopi igo antap bikos
kopi prodaksin i pundaun long ol kantri long Sen-
trol Amerika na Kolumbia. Ol dispela kantri we i
save go pas long kamapim moa kopi i lukim
bikpela ren na wara tait na i bagarapim ples bi-
long ol.

Long dispela as maket long wol i lukim pro-
daksin i go daun na ol wol kopi baiya i lukim i kam
long PNG na ol narapela kantri long Esia Pasifik
rijon.

Mista Anis i tok olsem lukluk bilong wol maket
saplai na askim long kopi i soim prais bilong kopi
long kantri bai gohet long stap antap yet insait
long narapela 6-pela mun.

Tasol long narapela sait tu em ol dispela kantri
husat i bungim hevi long taim nogut long ples bi-
long ol bai i wok hat tru long stretim kopi bilong
ol.

Anis i tok CIC i save givim skul tok oltaim long
ol fama long ples long "Lukautim Kopi bilong Yu
na Kopi Bai Lukautim Yu". Dispela bikpela toktok
i karim gutpela kaikai nau long ol fama husat i
harim tok na bihainim.

Anis i askim ol fama long redim ol yet gut na go
insait long grup na salim kopi bilong ol long kisim
gutpela mani long taim nau we prais bilong kopi i
go antap.

Ripot i kam long CIC i soim olsem ol bikpela
kopi fektori insait long kantri i wok long baim ol
Grin Bin Kopi long namel mak prais olsem K8.99
long A gret kopi, K8.43 long X gret, PSC-X long
K7.83 long wan wan kilogram na K7.62 long Y1
gret insait long mun Jun 2010.

Dispela i kamap ples klia long taim wanpela
smolholda fama, Richard Wapo bilong ples Ronu
long Daulo distrik i amamas long kisim mau seri
long kopi gaden bilong em bipo long salim.



Em Isi tru long Kisim Fres Prodius Maket Infomesin wantaim ol Digicel Fon

Fres Kaikain	Kod	Yunit
Avokado	AVO	kg
Snek Bin/Frens POM	BEAN	k
Brokoli	BROC	kg
Kabis	CAB	kg
Kerot	CAR	kg
Galik	GAR	Kg
Onion	ONN	Kg
Orens	ORA	Kg
Painapol	PINE	kg
Poteto	POT	kg
Swit Poteto (kaukau)	SPOT	kg

Ol famas na lain bilong baim fres
kaikai bai isi tru nau long kisim
maket infomesin long ol fres
kaikai taim ol i yusim wanpela
Digicel mobail fon. Bihainim ol
dispela isi rot tasol:

**1. Presim na raitim kod bilong
fres kaikai na larim wanpela
spes i stap**

**2. Presim na raitim daun veri-
abel (prais, saplai o kwaliti)**

3. Presim SEND igo long 4636

**4. Wanpela text mesej i soim
wanem maket infomesin yu
laikim bilong ol 8-pela bikpela
maket long PNG**

Variable

Prais

Sapulai

Kwaliti



Digicel
PNG's Bigger, Better Network



Mekim gutpela Prodaksin na Maket Disisen long ol frut na fres gaden kaikai bilong yu

Wantaim maket infomesin i stap pinis, em i ken halivim yu long mekim disisen
long wanem kaikai bai yu groim long gaden na kisim, hamas long groim,
wanem hap long salim, wanem kaikai na ples bai yu baim.

**Long kisim moa infomesin, ringim Help Desk long
72652747/72784968/73050007/3215520/72459749**

**Wanpela Gutpela wok helpim em Fres Prodius Developmen Ejensi,
Digicel na AusAID i bringim kamap.**





TAKOL NOGUT: Wanpela Maiari Eagles pilaia i kisim taim long banis bilong ol Paga Panthers. I tambu long mekim dispela kain takol insait long gem. *POTO: Andrew Molen.*

LIKLIK NETBOL: Ol yangpela meri (rait) long Gordons long NCD i kamapim wanpela netbol resis bilong ol na dispela i lukim ol yangpela long anda 16 i go inap long ol bikipela wantaim i gat wanwan tim bilong ol long wanwan divisen. *POTO: Nicky*



Port Moresby Rugby Football Union
Wik 14 - Dro
Sarere Julai 17, 2010

Pilai graun 1.				
9.00am	U20	Wanderers	vs.	Chiefs
10.20am	B	Wanderers	vs.	Chiefs
11.40am	B	Brothers	vs.	Hunters
1.00pm	A	Wanderers	vs.	Chiefs
2.20pm	A	Brothers	vs.	Hunters
3.50pm	Primia	Brothers	vs.	Hunters

Pilai graun 2.				
9.00am	U20	Brothers	vs.	Hunters
10.20am	U20	University	vs.	Harlequins
11.40am	B	University	vs.	Harlequins
1.00pm	A	University	vs.	Harlequins
2.30pm	Primia	University	vs.	Harlequins

Sande Julai 18, 2010.				
Pilai graun 2.				
10.00am	U20	Defence	vs.	Royals
11.20pm	B	Defence	vs.	Royals
12.40pm	A	Defence	vs.	Royals
2.10pm	Primia	Wanderers	vs.	Chiefs
3.40pm	Primia	Defence	vs.	Royals

Pilai graun 2				
11.00am	U20	Kone	vs.	Lasalians
12.20pm	B	Kone	vs.	Lasalians
1.40pm	A	Kone	vs.	Lasalians
3.10pm	Primia	Kone	vs.	Lasalians
Bai: Olgeta meri tim.				

PETROMIN BILAS: Jaive Samre bilong Petromin i givim nupela yunifom i go long Nicky Bernard bilong Wantok Niuspepa olsem sapot bilong ol long Wantok insait long Media Pool resis long Mosbi. *POTO: Andrew Molen.*



TOKSAVE: Salim ol spots dro bilong yu kam long Feks; 325 2579, e-mel; amolen@wantok.com.pg o kam lusim long Wantok Niuspepa opis long Central Waigani, NCD.

Inglis no nap pilai wantaim Broncos

GREG Inglis bai no inap pilai wantaim Brisbane Broncos bihain long em i no wanbel wantaim kontrak ol i laik mekim wantaim em.

Menesa bilong Inglis, Allan Gainey, i bin tokim ol Broncos olsem kontrak ol i makim bai no inap long kisim Inglis i go pilai wantaim ol.

“Ol i no laikim olsem na tok i pas,” Jenerel Menesa bilong Futbol Operesens bilong Broncos, Andrew Gee i tok.

Gee i bin toktok wantaim Gainey moa long wanpela mun pinis long traim kisim Inglis i go long Brisbane.

Storm i bin lusim em i go tasol nau i luk olsem Inglis bai stap bek wantaim ol.

Tasol ol Storm tu i no amamas tumas long lusim wanpela nam-bawan pilaia bilong ol i go na i tok ol bai pait strong long traim na winim em i stap bek wantaim ol.

Inglis i bin laik go long Brisbane long stap klostu wantaim meri bilong em, Sally Robinson husat i kisim wok long hap.

Tasol ol bai save gut sapos ol tu bai nap long holim em i stap bek bihain long ol i kisim ripot bilong ol wok painim aut bilong hevi bilong ol long baim moa mani long ol pilaia bilong ol.

Dispela ripot bai soim ol klia sapos ol bai rausim wanpela bilong ol bikpela pilaia bilong ol, Inglis, kepten Cameron Smith, hap bek Cooper Cronk o fulbek Billy Slater.

Nau yet prais bilong Inglis em \$600, 000 long wanpela sisen na i no luk olsem Broncos bai nap long bungim dispela.



PAINIM TIM: I luk olsem Inglis bai stap bek wantaim Storm.

Bolt givim stia tok long Hayne

NAMBAWAN spit man, Usain Bolt i mekim sampela toktok long Parra-matta fulbek, Jarryd Hayne we inap helpim pilai bilong em.

Bihain long ol i lusim 6-pela gem stret, kosa bilong Eels Daniel Anderson i no amamas long fulbek bilong em na i tok em i no stap long gutpela fom moa.

Tasol toktok bilong Bolt inap long helpim Hayne i kamapim wankain pilai we i helpim long kisim tim bilong em i go long gren fainol long 2009.

Anderson i bin tok Hayne i wok long belhat long em yet na i wok long traim hat tumas we i lukim gem bilong em i no kamap gut tumas.

“Long mi, bikpela samting em long painim as tru bilong dispela hevi,” Bolt i tok taim ol i askim em long wanem kain toktok em i ken givim long Hayne.

“Painim as bilong dispela hevi na wanem hap em i kam long en.

“Bilong wanem na yu no kisim ol samting we laikim long en na lukim sapos i gat sampela samting yu



STIA TOK: Toktok bilong Bolt helpim pilai bilong Hayne.

inap mekim long stretim dispela,” em i tok.

“Taim yu painim as bilong dispela hevi nau em yu ken mekim sampela wok long stretim na strong bilong yu bai kam bek.

“Taim mi no save pilim gutpela tumas, mi save painim as bilong dispela na stretim na mi save pilim gutpela gen,” Bolt i tok.

Na i luk olsem toktok bilong em i karim kaikai bilong wanem Hayne i putim tripela trai long Mande long helpim tim bilong em i winim ol Cowboys 36-24.

Bolt bai kamap long Sydney long Septemba 15 long stap insait long wanpela resis ol i kolim Competitive Edge All Stars Event long Olympic Park.

Dispela bai lukim em i resis wantaim ol spitman bilong ragbi lig, yunion, osi ruls na soka long Australia.

Namel long ol lain husat bai stap insait long 100m resis long dispela pilai em Hayne, Greg Inglis bilong Melbourne Storm na Nathan Gardner bilong Cronulla Sharks.

Bolt i save long Hayne olsem wanpela gutpela pilaia na etlit tu na i tok em bai amamas long bungim em.

“Mi harim stori bilong em na planti long ol dispela arapela pilaia tu na mi amamas na wet tasol long lukim wanem samting mi ken mekim taim mipela i bung,” em i tok.



SPOTS DRO RAUN 19 JULAI 16-19 2010

Gems bilong dispela wik



Panthers V^s Eels



Rabbitohs V^s Dragons



Raiders V^s Knights



Roosters V^s Bulldogs



Sharks V^s Eagles



Titans V^s Broncos



Warriors V^s Storm



W/Tigers V^s Cowboys



Raun 18 - Poin Leda

TIM	W	L	D	B	Pts
1 Dragons	12	4	0	2	28
2 Panthers	11	5	0	2	26
3 Tigers	10	6	0	2	24
4 Roosters	9	7	0	2	22
5 Titans	9	7	0	2	22
6 Warriors	9	7	0	2	22
7 Rabbitohs	8	8	0	2	20
8 Broncos	8	8	0	2	20
9 Sea Eagles	8	8	0	2	20
10 Eels	7	9	0	2	18
11 Knights	7	9	0	2	18
12 Bulldogs	6	10	0	2	16
13 Raiders	6	10	0	2	16
14 Sharks	5	11	0	2	14
15 Cowboys	4	12	0	2	12
16 Storm *	9	7	0	2	0

* NRL i rausim olgeta poin bilong Melbourne Storm long dispela sisen.

Spain amamas

OLGETA manmeri long Spain i no isi long amamasim win bilong soka tim bilong ol long FIFA wol kap long Saut Afrika las wik Sande.

Spain i bin win 1-0 agen-sim Netherlands long ekstra taim bilong gem bihain long tupela tim wantaim ino bin skoa long taim bilong pilai stret.

Andres Iniesta i skoa bilong Spain taim em i hetim bal i go insait long gol bilong Netherlands.

Long Spain, ol sapota i danis na singsing long strit na tim i karim kap i kam bek long soim na amamas wantaim ol tu.



AMAMAS: Long ol i singsing na danis long amamasim win bilong ol.



YANGPELA TIM: Aces C gred tim em wanpela husat i stap insait long dispela netbol resis bilong Gordons bareks.

Pilai bilong ol meri yet

GORDONS Polis bareks long Mosbi kamapim wanpela netbol kompetisen bilong ol bikipela na liklik meri bilong ol. Dispela netbol resis i lukim ol yangpela long C gred wantaim krismas i stat long 14 i go inap long ol bikipela meri long A gred divisen.

Dispela tonamen i kamap long bungim ol meri wantaim na tu givim ol samting long mekim na amamas.

Plantu taim ol man tasol i save pilai ragbi tas na nau i gutpela long lukim ol meri tu i ken pilaim wanpela spot bilong ol stret.

Gasnier bai pusim Scott go long fowet



SENISIM PLES: Scott bai go pilai long fowet.

KAM bilong Mark Gasnier long St George Illawarra Dragons bai lukim em i pusim NSW senta, Beau Scott i go bek long pilai fowet gen.

Dispela bai wanpela hatpela senis long het bilong kosa Wayne Bennett taim em i stat wok long hap tasol i luk olsem Scott bai go bek insait long skram na givim namba tri jesi go bek long Gasnier long pilai bilong ol agen-sim South Sydney dispela wiken.

Bipo Dragons senta, Mark Coyne i tok em i sore liklik long Scott tasol Bennett i nogat narapela rot na bai go het long mekim dispela senis.

"Ol i mas mekim dispela senis long lukim tupela senta pilaia stret olsem Gaz na Coops (Gasnier na Matt Cooper) i ron long hap.

"Mi ting dispela mekim Bennett i ronim Beau olsem wanpela fowet," Coyne i tok.

Nau yet Cooper i no inap pilai yet long wanpela bagarap long lek bilong em olsem na Scott inap stat long lep senta posisen.

Tasol taim em i kam bek bai Scott i mas go long fowet gen we em i save pilai bipo na Gasnier bai kisim bek ples bilong em long raithan sait senta.

Genia bilip long winim Boks

HAP bilong Australia Wallabies, Will Genia i bilip ol bai nap long winim Saut Afrika dispela wiken.

Ol Springboks i lus Nu Silan 32-12 las wik na Genia i tok dispela gem i soim ol hap bilong Saut Afrika we i no strong tumas.

Dispela ol eria bai givim sans long ol i skoa agensim ol.

Wanpela samting NZ i mekim long SA em ol i no isi long ol.

"South Afrika i kik na tromoi bal tasol Nu Silan i no isi long ol.

"Ol i takol na ron strong tru long ol long stat i go inap pinis bilong gem na dispela i kilim ol stret," Genia i tok.

"New Zealand i paia inap 80 minit na i no malolo liklik," em i tok.

Genia i bilip ol bai nap long daunim Saut Afrika sapos ol tu i pilai wankain strong-pela gem olsem Nu Silan i bin mekim.

"Mipela i mas pilai strong olsem ol bai mipela inap long ol na dispela i ken helpim mipela long winim ol," em i tok.

Genia i bin kisim bagarap long han bilong em long wanpela tes bilong Australia agensim Ireland i no long taim i go pinis.

Em i orait na i kam bek long trening wantaim long Mande dispela wik tasol.

"Em i orait nau olsem na mi ken pilai," Genia i tok long han bilong em.

Em bai putim sapot long han bilong em inap pinga bilong em i orait olgeta tasol fitness bilong em bai no inap go daun tumas taim em i wetim han bilong em long orait.



BILIP: Genia i ting ol i ken winim Saut Afrika sapos ol i pilai strong.

Goroka winim PM kap

Bustin Anzu i raitim

OL mangi long kol ples Goroka i bin winim Paim Minista Kopret Golp salens long Lae las wiken.

Nambawan pilaia bilong golp long Goroka, Hekorie Rohowo i bin kisim ol tim bilong em long kam resis wantaim ol arapela senta insait long kantri na winim dispela tropi.

Kopi Koneksen (Coffee Connection) i winim namba tu tim bilong Goroka Kopi Tredlink (Coffee Tradelink) wantaim 56.25, Tredlink i bin kisim 56.5 na Nestle bilong Lae i kamap namba tri.

Rohowo, husat i gat endikep (handicap) i tok dispela em namba wan taim em i kisim tim aninit long Kopi Koneksen long Goroka i kam daun na pilai wantaim narapela 33 tim.

"Goroka i kam wantaim tripela tim long winim dispela bikipela pilai tasol mipela i amamas long winim dispela bikipela resis.

"Mi bin kisim dispela yangpela sait i kam long pilai resis na luk-save long stail pilai bilong ol narapela.

"Goroka i gat 9 hul tasol na long hia i gat 18 hul olsem na ol i pilai amamas na winim dispela bikipela pilai," em i tok.

Em i tok tu olsem em i save pilai long Lae Golp kos planti taim na i save long ol gras long hap olsem na em i kam na pilai gut tru.



Kopi Koneksen bilong Goroka wantaim PM Kap trofi ol i winim long Lae. POTO: Bustin Anzu.

Dispela PM kap salens em Papua Niugini Spots Federesen na Olimpik komiti (PNGSFOC) i kamapim long bungim mani bilong salim ol tim i go long ol bikipela pilai olsem Olimpik, Komonwelt, Pasifik Gems na Mini Gems.

Long dispela yia ol bai salim PNG tim i go long Komonwelt gems long Delhi, India.

Dispela yia, em i pulim tim bilong Tabubil, Mosbi, Goroka na

Hagen i kam insait long dispela golp resis.

Lae Golp klab kepten, Peter Boyd i tok dispela pilai bin kamap gut tru we ol i bin i gat planti tim stret na kamapim mani mak i abrusim wanem ol i bin makim long en.

Ol i kamapim K66, 000 long K2, 000 tim rejistresen na K25, 000 long ol oksen (auction) we Courts, Air Niugini na Origin Energy i bin givim long en.

Ol anda 16 redi long Meninga Kap

Bustin Anzu i raitim

OL YANGPELA mangi husat i gat 16 krismas mas pilai strong long stap insait long nesenel anda 16 tim bilong pilai long Mal Meninga kap tonamen long Cairns, Australia.

Noten Zon Developmen Opisa bilong Papua Niugini Ragbi Futbal Lig (PNGRFL) Steve Malum i tok dispela long wanpela stetmen pepa olsem PNG anda 16 tim bai kamap bihain long nesenel anda 16 Zon sempionsip long mun September dispela yia.

Dispela bai redim ol long pilai long dispela resis long neks yia long mekim nem bilong ol insait long ragbi lig bilong bihain taim.

De bilong pilai stret long Australia em ol bai tok aut long dispela zon sempionsip.

Dispela em wanpela bilong ol bikipela intanesenel ragbi lig resis bilong ol junia o skulboi ragbi lig resis (schoolboys) we i kamap long stretpela rot long strongim pilai bilong ol junia insait long rijen.

Planti ol skul insait long Queensland na Papua Niugini bai stap insait long dispela pilai.

Ol i givim nem long dispela tonamen bihainim biknem ragbi lig pilaia bilong Australia na

Queensland, Mal Meninga.

Dispela kain pilai bai bukim ol mangi we ol klap bai traim long bungim ol na kamapim ol gutpela pilaia olsem sampela nambawan pilaia bilong National Rugby League (NRL) olsem Billy Slater, Greg Inglis o Michael Jennings bilong Australia na Marcus Bai o Stanley Gene bilong PNG.

Malum i mekim dispela toktok long strongim long Noten Rijen anda 16 skulbois ragbi lig resis, bilong kamapim Noten Zon long dispela wiken long Lae.

Dispela tupela-de resis bai kamap long Fonde na Fraide namel long ol tim bilong Lae, Ramu na Madang.

Oro i no inap kam long wanem, ol i painim hat long bungim mani long pilai resis insait long dispela tonamen.

Em i tok Lae bai kamapim narapela tim long kisim ples bilong Oro long mekim olsem i mas i gat 4-pela tim.

Malum i tok dispela em i namba wan taim bilong pilai na i gutpela long givim spes long ol Madang na Ramu long kamap wantaim ol tim bilong ol long wanem, pastaim Lae wanpela tasol i save kamapim anda 16 tim.

Nau bai ol i wokim gutpela seleksen long kisim ol mangi insait long rijen.

SPOT RAUN

WANTAIM

Scott Vavine, ML



Tim NCD statim wok redi bilong 2012 PNG Gems

DISPELA spots edministresen trening kos we PNG Sports Foundation i bin kamapim long NCD long mun i go pinis i helpim NCD long statim ol wok redi bilong en nau bilong 2012 PNG gems long Is Nu Briten.

Dispela trening i mekim ol lain husat i kamap i luksave long ol eria we ol i gupela long en na tu ol eria we ol i no gupela tumas long en.

Ol i yusim NCD olsem piksa na i skul long en insait long dispela trening kos we i helpim ol long kamapim ol dispela luksave.

Ol i bruk i go long wanwan grup na i lukluk long wok bilong Tim NCD insait long dispela 2009 gem.

Long hap ol i luksave long ol hevi na painim aut long wanem ol samting ol inap mekim long stretim dispela ol samting.

I gat sampela samting ol i tokaut long en we tim NCD inap lukluk long en nau long statim wok redi bilong ol bipo long 2012 gems i kamap.

Dispela samting ol i luksave long en long dispela trening bai helpim NCD long stretim tasol long wankain taim bai ken helpim ol arapela provins tu long bihainim.

Sampela ol dispela hevi em; wanwan spots tim ino redi hariap na sampela i nogat inap taim long redim olgeta samting bilong ol gut, makim bilong ol menesa bilong wanwan tim tu i no bihainim save na skils bilong dispela ol lain, ol i no tok klia tu long wok bilong wanwan memba bilong menesmen tim, i nogat gupela toktok na wokbung i go kam namel long ol bipo na tu long taim bilng gem, ol kaikai no redi gut na ol yunifom tu i no go long tim long taim stret.

NCD i mekim sampela samting gut tu tasol ol i mas lukluk nau long stretim ol dispela hevi bai ol i ken redi gut bihain taim.

Dispela ol toktok em i gupela bilong wanem NCD i save nau long wanem samting ol i mas mekim tasol ol arapela provins i nogat.

Ol tu i mas mekim wankain luksave long ol hevi bilong ol na bihainim NCD long stretim wokaut bilong ol.

Em i no isi long dispela ol lain i luksave long hevi bilong ol yet na tokaut long en tasol em i gupela long ol i mekim bai ol i ken lainim na painim rot long stretim wantaim helpim bilong ol arapela tu.

Ol menesmen bilong tim NCD i kamap long harim na kisim ripot bilong lain husat i kamap long dispela trening.

Nau bai ol i yusim dispela ol painim aut bilong dispela trening kos long redim ol yet.

Ol i tok wok redi bai stat nau.

Nupela program helpim ol spots

Andrew Molen i raitim

LONG namba wan taim tru Papua New Guinea Sports Foundation (PNGSF) i givim mani go stret long ol spot insait long kantri.

19 spot i kisim dispela helpim taim PNGSF i givim K5, 000 long ol wanwan.

Dispela wok i kamap aninit long "Sports for Development Initiative program wantaim helpim bilong AusAID na ol spot i kisim mani bihain long ol i pinis ol wok painim aut na ripot bilong ol long wanem samting ol i laikim na bai mekim na givim i go long PNGSF.

Insait long dispela ripot ol i makim wanem kain ol eria ol i laik developim na dispela mani bai go long dispela ol wok.

Sif Eksekutiv Opisa bilong PNGSF, Iammo Launa i tok astingting bilong dispela program nau em spots developmen insait long kantri.



SAPOT: Launa i tokaut long helpim ol i givim i go long 19 spots federesen insait long kantri las wik. POTO: Andrew Molen.

"Dispela helpim mipela i givim long dispela ol spots bai helpim ol long redi long 2015 Pasifik gems," Launa i tok.

"Em i namba wan taim bilong ol

spots long kisim mani kam stret long PNGSF," em i tok.

Ol spot husat i kisim dispela helpim em; Basketbol, snuka, boksing, kanu, kriket, spots bilong ol kalabus (Correctional Service Sports), hoki, lon bols (man), lo bols (meri), kikkoksing, netbol, ragbi yunion, taekwando, soka, sofbol, sefing, swimming, tas futbol na volibol.

"Astingting bilong dispela wok em long bungim ol memba bilong PNGSF na PNG Sports Federation na Olympic Committee (PNGSFOC) long wokbung wantaim ol wanwan spots aninit long 'Grassroots to Gold Strategy', program long redi bilong 2015 Pasifik gems," Launa i tok long wanpela stetmen pepa.

Stanley Nandex bilong kikkoksing i tok dispela program i gupela tru bilong wanem em i givim moa helpim i go stret long ol spot na em i mas kamap olgeta yia.

400 bai bung long resis

400 ETLIT bai bung long Lae dispela wik insait long nesenel etletiks sempionisip.

Ol etlit bilong Rabaul, Mosbi, Karkar, Goroka, Jiwaka, Mt Wilhelm, Kundiawa, Bulolo na Lae i redi long dispela resis.

Bihain long dispela tonamen bai ol i makim tim bilong go long Commonwealth gems long India.

"Tim i stret pinis tasol i gat sampela husat i mas soim gupela pilai long dispela tonamen long pasim ples bilong ol insait long skwat," Sekreteri bilong PNG Athletics Union (PNGAU), Philip

Rehder i tok.

Em i tok bikpela lukluk bilong ol long dispela sempionsip bai stap long ol memba bilong developmen skwat.

Ol bai laik winim ples long tim i go long Oceania sempionsips long Cairns long Septemba.

Sapos ol i mekim gut long dispela tu bai ol i gat sans long 2011 Pasifik gems we i no longwe tumas.

400m resis bilong ol man bai lukim Kevin Kapmatana, John Rivan, Paul Pokana, Nazmie Lee Marai na Donald Berom i kirapim das.

Nelson Stone i stap long Brisbane na bai no inap ron wantaim ol.

Long ol meri, Tuna Tine, Maria Kuan-duma na Anna Pius bilong Simbu bai ron wantaim Dephanie Aito bilong Karkar long longpela resis.

Dispela 4-pela i bin stap insait tu long 3, 000m resis long Simbu las wik na bai gat gupela salens gen.

Sapolai Yao bai go pas long wankain resis bilong ol man wantaim Kupsy Bisamo na Skene Kiage.

Ol bai ron insait long 1, 000m resis long Sande moning tu.

Adrian Lam bai stap yet olsem Kumuls kosa



AMAMAS: Lam i amamas olsem gem bai ron gut gen.

Em i bin amamas long wanpela bung we i kamap namel long ol bikman bilong PNG Rugby Football League na International Rugby League Federation long Mosbi las wik Sarere.

Ol i wanbel long makim wanpela komiti long ronim gem inap long bung bilong PNGRFL long pinis bilong dispela yia we ol bai stretim dispela hevi.

Hevi bin kamap namel long ol bikman bilong PNGRFL long husat ol em tru eksekutiv bilong gem.

Ol i kisim dispela hevi go long kot we i mekim Lam na ol arapela bikman bilong spots long PNG na tu komyuniti wari olsem dispela bai bagarapim gem.

Nau Lam i tok em i gupela long lukim ol dispela bikman i mekim samting long gupela bilong gem na ol pilaia na i no long ol yet.

Lam bai redim Kumuls nau long Four Nations resis we bai kamap long mun Ogas.

LAE
BISCUIT CO.

WANTOK

SPOTS

LAE
BISCUIT CO.

Isu 1874

Wan wik: Fonde, Julai 15 - 21, 2010.

talk all day
all night

for

per min

after the first minute

Call your bemobile wantoks for as long as you like with our wantoea wantok rate.
Only 1 toea per minute after the first minute, anytime!

bemobile

taktok moa

Bikpela tim bai go long
Commonwealth gems

PILAI GRAUN: Indira Gandhi Indoor Gymnastics Stadium em wanpela bilong ol pilai graun we PNG ol PNG etlit bai resis insait long en long India.

I GAT 73 moa de i stap bipo PNG tim i go long Commonwealth gems long Delhi, India.

PNG bai stap insait long 8-pela spots taim tonamen i stat long Oktoba 3 na dispela bai namba wan taim bilong kanbtri long salim kain bikpela namba i go long dispela tonamen.

Chef de Mission o bosmeri bilong tim, Tamzin Wardley i tokaut dispela wik.

Ol tim we bai go em; etletiks (21), swimming (6), boksing (7), lon bols (12), wet lifting (6), skwas (2), netbol (12) na ragbi 7's (12).

Paralimpik tim tu o tim bilong ol turangu bai go long tupela spot, etletiks (3) na wetlifting olsem pawa lifting (4).

Tim bai lusim kantri long Septemba 29 na i go long Brisbane bipo ol i go long India.

Ol ogenaisa long India i makim dispela taim bilong olgeta kantri long go kamap long India.

Ragbi sevens (7's) tim bilong PNG tasol bai go long wanpela pilai long Darwin pastaim bipo ol i go long Delhi.

Johnston's Pharmacies

For First Aid Kits. Red& Body Bulk Protein Supplements. Thompson Vitamins, Bandages, Strapping Tape, Mouth Guards.

All Sport and First Aid requirements.

P.O.Box 1066 Boroko.

Phone 325 3185. Fax 325 0190.

Email sales@johnstons.com.pg."

Publisher of the newspaper operates at Section 58, Allotment 3, Office 2, Waigani Drive